

青藤書屋文集

二



青藤書屋文集

(二)

徐 渭 著

青藤書屋文集卷六

五言律詩

銅雀妓

重泉鎖玉燕，閨燭繞金蛾。君銷陵柏土，妾斷偃松蘿。薦夢無雲雨，留香別綺羅。願爲銅雀瓦，生死托漳河。

出塞

漢將去堂堂，邊塵靖不揚。雪沈荒漠暗，沙攪塞風黃。虜帳朝依水，胡酋夜進觴。舞兒迴袖窄，無奈紫貂香。

琉球刀

時客常山。

客將刀出市，云是大琉球。海泛防龍合，天陰聽鬼愁。揮空霜欲落，脫匣水堪抽。萬里烽煙地，隨身去莫留。

又

單刀新試舞，雙劍舊能輪。雨過腥聞血，風旋雪裹身。對銀歸思動，挂壁蒯縠塵。醉後時橫看，終當贈與人。

西北

西北誰家婦，雄才似木蘭。一朝馳大道，幾日隘長安。紅失裙藏鏗，塵生襪打鞍。當壚無不可，轉戰諒非難。

又

金鞍七寶欵，玉手控青絲。人馬才相得，風雲氣本奇。勢輕香易墮，樣巧影難爲。馳罷雄心在，何曾斂翠眉。

又

尺錦卽成裝。當眉綰結方。須臾撒身手。馳驟蹴風霜。簷影千門亂。街心一帶長。忽逢游冶子。繫馬問家鄉。

桃花堤上看美人走馬。和青霞君。

一鏡園湖水。千峯遠梵宮。大娘迴劍器。小伎落驚鴻。影深穿柳日。蹄響帶花風。望斷梨腮粉。紅塵一道中。

春日過宋諸陵

又

萋菲未須憐。生時已播遷。威儀非舊典。世代是何年。過客悲山鳥。王孫種墓田。回看隴頭樹。似接汴京煙。

落日愁山鬼。寒泉鎖殯宮。魂猶驚鐵騎。人自哭遺弓。白骨夜半語。諸臣地下逢。如聞穆陵道。當日悔和戎。

孟后怨

福薄姑言信。君難國事非。官家儼平昔。賤妾獨何依。汴水千秋逝。山花幾度稀。還憐先帝寵。夜夜月中歸。

竹月篇爲易道士賦

脩竹隱丹扉。蕭蕭映月微。林稠光不礙。葉動白俱飛。製鼎看圓魄。裁簫度羽衣。翻經清夜永。猶帶露華歸。

寄尙賓因借石磬

南明棲息久。凡著幾何書。夜峽月生石。朝憲雲入疏。特懸孤磬在。時扣萬山虛。自笑耽清物。持來一借予。

宛轉詞

宛轉一臂斷。流落二喬輕。覆水已無及。通家如有情。歸來粧粉暗。啼罷淚痕清。莫道紅裙怯。官家盛甲兵。湖嚴氏有二女。其翁以長者許渭繼室。渭自愆盟。頃聞爲海寇斷其翁臂。二女俱被執。旋復放還。便已作宛轉詞憐之。後知其長女被執時。卽自奮墮橋死。幼女放還亦死。因復賦此。宛轉詞中覆水句。正悔愆盟也。

訝道自愆盟。天成烈女名。生前旣無分。死後空餘情。粉化應成碧。神寒儼若生。試看橋上月。幾夜下波明。順昌道中新晴

解轡投山屋。束鞍聞曙雞。風雲留宿雨。花草踏晴泥。曉峽喧谿路。春沙泛馬蹄。遙知武夷曲。只在亂峯西。十六夜宿葉坊玩月

昨照橋中閣。今輝驛口沙。清光迷魍魎。冷暈嘔蝦蟆。與水浮諸海。將山碧一涯。春風正司令。桂樹暫停花。杜鵑花

煙雨艷陽天。山花發杜鵑。魂愁數葉暗。血漬一叢鮮。正色爭炎日。重臺杏絳箋。春風幾開落。遺恨自年年。古鏡

白日淘抔土。青天射兩丸。且須防薄蝕。詎止鑒衣冠。神物含光易。深山識寶難。不知丘壑裏。還掩幾冰團。陳女度尼

青春正及笄。削髮度爲尼。別母留粧粉。參師歇畫眉。幻真臨鏡現。生滅帶花知。未必今來悟。前身受記誰。

金客

君是鄰兒非黃須短褐衣。單身亡命去。虜首賣錢歸。業曠家人棄。門寒結客稀。自知終有用。窮巷且藏機。

贈相士

節鉞下明州。東隨一劍留。帷中占勝色。市上立清秋。碧眼胡僧避。青囊道侶求。相逢多幕客。曾見李藩不。

分賦得吳山送俞君還贛

吳山碧石頭。雄抱浙江流。大可興雲雨。微還適覽遊。常登應結戀。乍別不能留。明朝翠色遠。知爾在行舟。

芸閣校書篇

薄霧靄香筒。青紉走蠹蟲。一梯陟劉向。萬帙映楊雄。鳥下窺書古。花飛綴字紅。他年在天祿。羞與俗人同。

飲雲居松下眺城南

夕照不曾殘。城頭月正圓。霞光翻鳥墮。江色上松寒。市客屠俱集。高空醉屢看。何妨高漸離。抱筑卻來彈。

送內兄潘伯海謁選

之人千里行。言宴款郊城。牽爾衣裳處。紛予帷幙情。見兄兼念妹。送舅祇攜甥。明歲承恩日。龍池萬柳青。

聚法師將往天台止其徒玉公庵中余爲留信宿

玉芝

欲向天台去。先爲剡水尋。秋行萬山出。夜宿一庵深。燕語調花氣。猿歸帶講心。年年石梁興。送爾益沈吟。

省試周大夫贈篇罷歸賦此

贈篇有天池欲化龍句。薛厓

十謁九不薦。那能長作儒。江光凌棄壁。關色黯歸縑。薇蕨求新主。羹湯問小姑。風雷亦何限。終是惱凡魚。

豐吏部公邀泛西湖觀荷。明日寄作。令與嘉則敘父追和。

賦得戰袍紅

時少保公得瑣詰刺製袍。命賦。

海嶺染啼猩。征袍製始成。春籠香共疊。夜帳火俱明。自與鶉旗映。還宜蟒繡縈。戰歸新月上。脫向侍兒擎。

嚴先生祠

碧水映何深。高蹤那可尋。不知天子貴。自是故人心。山靄銷春雪。江風灑暮林。如聞流水引。誰識伯牙琴。

白鵬

少保公所遺。

片雪簇寒衣。烏絲繡一圍。都緣惜文采。長得待光輝。提賜朱籠窄。羈棲碧漢遄。短簷側目處。天際看鴻飛。

初入京瞻宮闕

域中夷夏極。天上帝王家。西內宸居逼。南都鼎地賒。烏啼御溝柳。象散閣門花。昨到貧方朔。封書載幾車。

來青亭

畫棟將雲遶。修簷傍漢開。亭非邀翠入。山自送青來。遠色虛難寫。遐觀縱未迴。共言春景麗。不見使人猜。

元旦與肖甫較射

烟光海日曛。青帝早司東。候轉弓猶勁。標疏的略紅。耦彎雙月吐。長臂一猿通。本是無爭者。心知此際雄。

季長沙公哀詞

彭山老師

槐樹宛低迴。猶疑講席開。死因雙宿去。生爲六經來。遶瑟飛春水。傳燈暗夜臺。三年更築室。未了獨居懷。

懷陳將軍同甫

時鎮漢。擊昆池於長安。而將軍親見於漢。成一笑矣。

飛將遠提戎。翩翩氣自雄。椎牛千嶂外。騎象百蠻中。銅柱華封盡。昆池漢鑿空。雁飛真不到。何處寄秋風。

鈕大夫園林

按蔡公石溪

萬樹梅花國。垂簾試一凭。高樓烟欲暮。遠岫雪將晴。帆舫時時渡。溪橋處處橫。若耶無限景。都有此中情。

送高叟入燕

橫山

少小幽燕客。重游白髮多。人欽舊然諾。客和古悲歌。紅葉淮流舫。黃塵沛縣騾。向來沽酒處。留得幾嬌娥。

背樹

背樹零宵露。羈魂斷曉鋪。正當愁晝地。誰遣放啼烏。拭淚身仍繫。酬恩計轉迂。應勞垂老魄。結草向冥途。

賦得看劍引杯長

高會莫匆匆。魚腸把似公。睥睨寸心在。慷慨百壺空。客散平原夜。波寒易水風。秦讐不能報。淚落酒杯紅。

賦得暗塵隨馬去

春夕麗春燈。芳塵似有情。難隨羅襪緩。卻逐馬蹄輕。高樓迷鞍淺。低光影鑑平。酒家莫留繫。一夜遍都城。

賦得芹芽

青春曲水湄。芹吐小芽滋。在野未堪摘。獻君知幾時。暖風來燕子。寒食伴棠梨。一夜休教老。留尖煮鱸絲。

鎮江

落日挂城角。孤蓬憩水窻。草長交浦斷。潮大入河降。笋蕨辭鄉飯。櫻桃過鎮江。吳船夫婦唱。十曲九成雙。

王山人丹房

漁鼓或作愚鼓

時房在何所。宛在水中央。丹竈泥初濕。紅顏藥正黃。菱花歸舫亂。荷葉過人長。一自彈漁鼓。陶陶醉幾場。仲春李子遂。季子牙史叔考。坐雨禹跡寺。景賢祠中。醉餘賦詩。並用街字。子遂來自建陽。一別數載。病久不到此。荒祠草上堦。陰晴連日異。閩越幾年懷。夜梵潮三丈。春酥雨一街。梨花無月處。有客醉金釵。法中寺看活石。

蓮花不在水。分葉簇青山。徑折雖能入。峰迷不可還。取蒲量石長。問竹到溪灣。莫恠淹斜日。明朝恐未閒。侶琴篇爲趙子賦。

寶刀詩

豈無蘭蕙好。獨結嶧陽桐。養鶴多因爾。遊魚亦爲儂。風雷縣一壁。山水伴千重。一作梅花弄。都令雪滿空。雙鈕黑銀鏤。來從大土酋。縱絨結蠻女。鐵色照并州。不惜金千鎰。能縣水一溝。牀頭好珍重。兼許茂先收。答謝上谷諸公。

一客宣城鎮。真多地主良。停車松樹下。投轄井中央。紅燭籌枚滿。蒼毛塵話長。別來知幾日。柳色滿紅牆。

書箴贈顧鴻臚

廿載神交後，尺書長跪辰。涸魚幸不死，閨月亦徒春。碧柳深高館，紅雲近侍臣。相過不能數，叔夜懶方真。

王口北見遺貂帽因往

制伯貂冠而玳瑁

一圍消雪遠，兩翅辟塵踪。朔北凍殺馬，遼東買斷牙。錦筵津頰玉，深戶擁腮花。一罩山人幘，徒遮鬢髮華。

納妾詩

角枕覆衾長，新香異舊香。昔年曾射雉，此日復求凰。杏靨開春鏡，鴉雲換晚粧。夫君莫早起，初日未高梁。

駿霞篇爲天台黃子賦

燕市千金駿，天台一片霞。持將兩神物，較許大名家。每過愁驢直，言歸必日斜。御河生隔斷，楊柳暗宮鴉。

潘家大谷梨見潘岳賦及柳子厚詩。近河間以黑食獻其膏入京。梨有一種名鴈過消。紅而瑩。斑斑似犀。下啄物十七首。俱用正韻。

潘家大谷梨，今遍九河堤。接樹冰千鞠，單顆水一提。馬馱香黑甕，鴈過脆紅犀。未怕相如渴，王孫儘翠眉。

蜜甘人享。蜂徒自苦。香甘則蠶。杏徒自苦。不若苦李之自全也。

杏有海東紅，珍高百品中。色來先壓市，子大欲沈籠。釀苦蜂何爲，人甘蠹亦同。道旁繁李樹，好去問王戎。

閩有夫人李。洛下有李嘉慶縣李。並佳。

閩種夫人異，燕枝嘉慶同。蹊堪爲李廣，核可付王戎。碎玉當唇綠，飛錫遶臂紅。歸來憶滋味，能得幾時醺。

頻婆 一名平波。

石密偷將結。他雞伏不成。千林黃鵠卵。一市楚江萍。旨奪秋廚腊。鮮專夏盃冰。上元燈火節。一顆百錢青。

胡桃

燕近出雞頭子類佳。而價亦踊。

朶果薦冰甌。芳鮮占客樓。自應懷綠袖。何必定青州。嫩玉寧非乳。新苞一不油。秋風乾落近。騰貴在雞頭。

白櫻桃

櫻桃琥珀珠。一樹忽硨磲。入袖迷吳芋。如珩信楚書。朱唇嘗處訝。翠葉凍邊舒。欲問丹陽鳥。曾銜此類無。

土豆

絕似吳中落花生及香芋。亦似芋而此差鬆甘。

榛實軟不及。菰根旨定雌。吳沙花落子。蜀國葉蹲鴟。配茗人猶未。隨羞筍似知。嬌饜非不賞。憔悴浣紗時。

薯蕷

卽山藥

扶中識舊方。爽吻得新嘗。臙廩衰年壞。山薯此地良。芋魁徒軟美。松粉藉銀饈。楚些那遺此。清酥點蔗霜。

鐵腳

吳下縣披細。燕中鐵趾纖。俄爲羣少炙。祇用一竿黏。暗雪辭饑啄。紅椒餽醉髯。窺螳黃雀事。公子慎金丸。

黃鼠

膏厚而雙微。

幸不爲殘嚼。何由冒劣名。庖廚窮口腹。天地窘生成。淺草遮人拙。深膏傍燭明。斷齏吾自分。食肉任干城。

半癡

小鳥形。半于雄而脂美。上谷人與黃鼠共稱。然癡而易醒。遂以名。

厄與癡相半。禽將鼠共縣。味雖供客好。名卻使人憐。所下惟雙筍。何妨少一拳。如聞三嗅叟。笑殺雉羹筵。

酒三品

曰桑落、襄陵、羊羔。價並不遠。每甕可十小盞。須銀二錢有奇。

小甕五雙。蒸千蚨五瓮。香無錢長買醉。有客偶攜將。醞藉宜高價。淋漓想故鄉。狹斜壇不少。今夜是誰當。

荔支

出新會者名進奉。絕佳。有以小瓮載販陽江者。到即競報。其土產稍劣。或邀食。多以蔗隨。放猿取高荔。蘇公事也。

帆檣報荔支。猶憶海南時。一邑明勾漏。千罌枕蜜脾。消中隨蔗往。高樹放猿之。近日肝腸別。依稀餓采薇。

又

當醉更須醉。當餐便買餐。幾年千里外。一顆百金難。飛騎休輕刺。垂猩且奪看。老甜今已矣。世味飽醎酸。

熊醢

此李勣射獵而托饋大兒。故三四用蜀陳家事。五六則憶食熊獵掌特甘。而此顧亞。必豕熊也。七八用茂先事。意謂儻恣口腹。何所不至耶。

李廣射熊歸。生肩付大兒。都無一寸白。儻有幾條笞。腊掌吾曾飲。鮮蹄勝略差。窮饔亦何劇。急鮓白魚遲。

黃羊

味絕勝。善走。俺答偶馳饋宣鎮。故五六云然。三四。晏子語言也。七八。戲言耳。雖貴胡亦未聞食駝者。

紫塞黃羊美。超騰不易供。蹄雖千里外。命寄一廚中。誰致西河俎。言穿老上弓。賓筵三動指。早晚到駝峰。

河豚

白下酒家簾。河豚荻笋尖。寒江晴後雪。爛柳絮中鮎。萬事隨評品。諸鱗屬并兼。惟應西子乳。臣妾百無鹽。

送薛鴻臚左官袁州

佐郡袁州去。江行萬里西。興牽春水鴈。心斷早朝雞。蠻境風烟近。巫鄉習俗迷。正須煩料理。膝關未遑躋。

雨

一雨連秋夏。無朝不冥迷。曉添四壁篆。夜助百蟲悽。蒙羃遮城漏。蒸潮汗礎泥。直愁衡岱頂。亦障海鳥飛。

夕霞

第三首魚勞則尾赤。詩云。魴魚頰尾。

明霞剪脚齊。茜水入霄泥。鴈驚千行外。巖巒一角西。石家錦步帳。海國紫玻瓈。安取揮戈術。相留莫遣飛。

又

明霞爛且都。雨歇霽霄鋪。萬國樓臺莫。孤村烟火晡。波鱗銷琥珀。海色上珊瑚。一抹須彌翠。胭脂月鏡孤。

又

元氣渺太素。丹鉛何所粧。白魚勞尾變。紅石補天長。刺付烟嵐彩。全併沆瀣光。俄飛一片紫。騎鳳是蕭娘。

送某子北土

送子有所思。秋風來何翩。拜翁挂貂處。談我篝燈前。聚紅芻馬店。霜白聽雞天。一隊長鞭裏。輕寒早着縣。某君中貢選。送之。

物有幽奇者。飛騰各擅方。巨魚須北化。細芷不南香。在獄持何贈。穿泥以劒將。回思成一笑。君自有魚腸。人言鳳尾蕉。花於某縣庭。命作。

鳳尾本蕉材。紅花綠葉翹。縣庭今一見。蠻地不曾開。孔雀羞金翠。蕭娘坐粉腮。潁川黃霸在。辛苦送祥來。壽葛貞母。

終歲不成粧。敘寒古鳳凰。詩堪將柏賦。年亦與松長。列女誰同傳。稱人果未亡。當筵思舉案。誤遞百年觴。

乙亥元日雪酌梅花館

有扁二。曰柿葉堂。曰葡萄深處。

秋葉已凋疎。春林積雪初。溪藤不復買。裙練免偷書。挂碧來鳴鳥。堆紅補破廬。待予新買屋。自種兩三株。

又

花葉看雖少。藤稍遠更賒。蒼須搖白雪。白玉碾龍蛇。碧氣將檐薄。濃陰奪竹斜。去年深夏熱。特地爲予遮。

初夏送某客入廣

廣中賈客寓所。隔岸則倡居也。率以一錢獨艇子。輒渡。

海南多寶地。客也傍春行。涉嶺梅丸綻。當廬荔子明。百香番賈舶。雙翠美人纓。會向青樓去。時呼艇子乘。

賦得風入四蹄輕

雷總戎嘗騎千里馬。風製其衣。僅存襟背。又云趙總戎亦然。故三章云。

駿馬四蹄風。形容有杜公。一塵不動外。千里颯然中。白草連天靡。蒼鷹踢翅從。檀溪不須躍。隨意過從容。

又

愛妾換初調。將軍驀紫駟。颺颺只聞響。陣陣不禁秋。練影難長曳。房星易一流。路旁看不細。多是失回頭。

又

借將從虎物。并去翼龍腓。戊削纔辭櫪。崩轟已被圍。寒呼隨腕起。黑旋裏鞍飛。曾聽將軍說。雙雙碎鐵衣。

又

赤驥本龍精。行時不是行。看遲八尺影。過急一團聲。帶烙成駢死。嘶鹽了此生。孫陽何處是。淚盡太行程。

雨舟載鶴詩

買鶴載歸去。況逢風雨天。客裝兼有此。江影兩瀟然。濕重愁孤雪。波長立暮烟。園池寧有此。漠漠迥堪憐。

元夕之辰。偕友人集九里之天瓦寒泉二庵各賦。

并序

去郭九里曰九里者。爐峰舒臂其西。高則亂石偃拔。駭獸穿林。下則迴泉紆縈。驚虺入草。兩精舍各據所勝。止息緇黃。因石以覆。則爲天瓦。依流而茨。乃題寒泉。鸞鶴之所必棲。猿麋舍此莫集也。某君南來之暇。稍厭賓筵。及予元夕之候。載觴其中。上下高流。狎弄魚鳥。落帆到舍。則月白燈紅矣。似別武陵。悔返城市。景遷情改。寧免生滅之緣。各有賦篇。令予作敘。

尋常難淡泊。況復值茲辰。山水留吾輩。燈花媚別人。言歸城市去。似別武陵春。一路梅花水。今年弄月新。擬壽長春祠何老。

雲母何姑粉。增城幾葉春。馮心行好事。作屋住仙人。鍛柳堆山鏡。眠松弄水銀。面上桃花色。流年始七旬。京中送友人南歸。

不道歸眞急。翻嫌握手遲。綠蠅秋漸少。黃鳥日相思。以我尙未去。問君來幾時。答言春盡後。北雁與同飛。送蔡安父之黃州。

安父黃州去。乃當中夏時。榴花作火艷。梅雨爛蠶絲。研墨沄沄燥。憲書葉葉吹。今朝壽如此。別馬快風嘶。與葛景文。

冬潦無人出。君胡爲來歟。山樓隔年病。江渡幾封書。健後堪風雨。貧來無菜蔬。不能留一飯。歸去寺烟餘。

畫紅梅

即使胭脂點，猶成冷淡枝。杏花無此幹，鐵樹少其姿。挂壁紛紅雪，圍春在錦池。無由飄一的，嬌殺壽陽眉。

畫竹

萬物貴取影，寫竹更宜然。穩陰不通鳥，碧浪自翻天。憂憂俱鳴石，迷迷別有烟。直須文與可，把筆取神傳。

筵中漫贈王良秀筆史
囊琴三尺餘，投我主人居。老叟能稱隱，諸郎總解書。夜深時喚酒，春盡共騎驢。去到西湖上，梅花帶雪舒。

吳門逢孔將軍於塾

舊日堪爲將，今來復授經。主人盛供帳，醉尉止都亭。終歲只在野，因予一入城。相悲十年事，淚落酒杯平。

書倪元鎮畫

一幅淡烟光，雲林筆有霜。峰頭橫片石，天際渺長蒼。雖賈須金換，如眞勝壁藏。偏舟歸去景，入畫亦茫茫。

無題

翁也專樞密，儂今職贊襄。西京留守重，北帽侍中方。陵氣松鱗紫，湖霜藕葉黃。江南秋色好，此去滿帆樑。

賦得草窻篇爲周衛卿之號

周繪工蟲。

草綠烏喈喈，聞窻一斗開。百蟲堪上筆，一片欲遮苔。莫影紗紋澱，春芽老氏孩。元公有知不，一笑隴牛堆。

食虎眼之佳品。

虎眼、荔枝。

虎眼白琉璃。誰能隸虎皮。小毳蜂粉結。高液鳥羣司。婦去茶如薺。王歸膽亦飴。由來甘苦柄。舌觀豈能持。

紅綠樸文窰。薑橙擣未高。雙螯交雪挺。百品失風騷。餽喜朝爭穀。聽聞夜泣糟。大蘇無缺事。只恁佞江瑤。
蘇傳江瑤柱。乃不傳蝦。

又

水族良多美。惟儂美獨優。若教無此物。寧使有監州。辟鬼秦關夜。輪魁海稻秋。河豚直一死。只好作蒼頭。

又

吳興饒吻守。越國朵頤人。風韻誰偏少。吹噓爾絕倫。沅江九肋鯨。松柳四腮鱗。遍試張華酷。還誰五色文。

又

爾故飽菱芡。饑來竊稻梁。逃蕭孟嘗走。結草杜回亢。蛻許山蟬嫩。腥憐海麝香。那能親箸筯。夜夜伴漁郎。

又

織篠挈千籃。枯筐養八蠶。縛嚴愁廣武。霧重死淮南。金紫膏相蝕。尖團酒各酣。秦人不曾識。付與兩齊參。
蠶筐見檀弓。八蠶者。南粵種也。

又

胡市歸。胡館不一刻。
檀弓數日。

胡養復胡王。無鷹不飽颺。滿城屠菜馬。是鼻掩綿羊。卽苦新輪鞚。猶勝舊殺傷。從來無上策。莫笑嫁王嫱。

客餉我笋脯一小筐。穉而甘澹擬謝。

晨觴急十斟。笋脯美遼參。玉版禪師韻。黃冠道士簪。山存仍受虎。春代并更禽。籀畔夫將婦。隨農插綠針。

聞人賞給事園白牡丹

白牡丹殊雅。曾於舊譜聞。掃眉嬌號國。新寡縞文君。黑牯眠雲飽。黃蜂奪雪芬。愛憎誰與定。賒酒借花醺。

又

梁園月下白。青瑣第中逢。定是千金買。來陪一捻紅。珍奴學龜息。越女鬪猿公。作意驅脂粉。天然輸與儂。

又

休量姑射子。不語息夫人。香暗聞龍腦。須黃見蝶身。雪腮宜買笑。霜鬢可饒嗔。莫學盧郎婦。題詩謔老人。

化城寺

方引主人轄。轉爲山寺嬉。門深當水盡。路曲入松移。破鐸搖簷鴿。寒泮蔽沼龜。過溪無虎嘯。枉送遠禪師。

明日至古博嶺雨

無寸非濃霧。寒空濕太勝。泥深驢項沒。雨近帽簷生。練泄未到眼。客途先苦行。眞成評嚼攪。敢與棗兒爭。

京邸贈沈刑部

叔成自安鄉召入。善畫梅。在署竟日。仲紙。洞庭逼浸安鄉。

人多驄馬客。君愜白雪司。棘署了公事。梅花作雪枝。帶寬知懶在。馬重覺塵隨。頗憶洞庭否。烟波十二時。

哀周鄭州沛

莫以拘攣輩。交攻放達偏。窮如知老後。樂似欠年前。匣藻蛟俱泣。園花石共遷。傷心能幾輩。教我不潸然。
又

雪涕尋前誼。敲門憶昨晨。梟盧呼未歇。蝦蟹醉仍頻。日者過荒館。霜顛破角巾。飄零雲如此。昨日故將軍。
曉發句容

宵來醉眠處。忽爲遠林遮。三尺短纒爛。一程長耳賒。村村落斜月。樹樹抹輕霞。只尺丹陽近。江魚入饌嘉。
送沈叔子南都迎母

馬上定苦渴。幾迴停轆轤。別兄當北邸。接母到南都。桃葉橫前渡。荷花滿後湖。此行大家逐。誰敢問當壚。
送馮叔系之南都訪舊

江國柳雖盡。將及梅花新。路遠卽逢雪。天寒別有春。高牙紛海幕。長劒著孤身。乞取封書去。難辭舊主人。
景文至其舅劉所過園中

兩橐行廚過。清醪溢瓦盆。一行澆鬱思。百覆失煩冤。筭候人家飯。驚天桃杏村。無由共甥舅。鎮日數園門。
送俞生之入楚 願善繪事。

作客向襄陽。鰻頭大舸裝。江行多雪候。旅宿盡漁鄉。此景俱堪抹。行囊好爲藏。歸來逢鑒賞。幾度抹山窓。
張子錫往訪其弟長治

伯兄官署去。因寄仲君書。問政應如水。添廚稍出魚。越人多好着。潞錦小花裾。看取寄歸匣。都無一尺餘。

與任生話舊

麻衣飄雪處，益動而翁思。近日君家事，予僕那得知。笋天應薦墓，柏涕可枯枝。莫作徒悲切，遺書退學詩。

送張君會試

明年此時節，意氣何揚揚。但遣馬蹄疾，莫愁花路長。幾多青樓婦，認取舊檀郎。何處最笑指，當壚壓酒娘。

挽上虞葛翁

聞道自髫年，傳經徹舊編。裹糧百里外，卒業一燈前。閱傳知高士，遺孤是大賢。斯人真不死，可以慰黃泉。

授經館中懷江東諸同志

時復病。

能得幾回春，匆匆滯此身。一江書易寄，連月性難馴。買藥獨行市，敲門暫訪人。幾時束書卷，來伴釣魚綸。

蠟屐

一生幾兩屐，此語爾非迷。何事淪猩趣，終年弄馬蹄。萬錢收錦囊，五岳遍丹梯。齒畔如瀕損，厓蜂借一脾。

題雪景畫

諸暨陳仲子

幽人凭水檻，釣者挈魚投。況對千山雪，而無一客留。臘酒此時熟，老夫終歲憂。壺公能醉我，跳入畫中休。

爲陶工部贈道者

終是千年鶴，今先返舊城。到家人尙在，入洞雲來迎。紫氣莫西渡，青山留震盟。野夫慙尹喜，卻辦候關情。

將遊五泄宿吳系山庄遇陳老迎餉邀余輩先登峨眉不果

遊轡維林竹。山窓來獵燈。青蘇炊白稻。碧笋束紅藤。坐落半宵月。流分曲水亭。忽逢山下老。潑上峨眉層。

青藤書屋文集卷七

七言律詩

君從

君從閩海下南昌。正值中官降玉皇。龍號真人親拜斗。繡衣使者自焚香。壇中祝壽千官滿。宮裏傳幡兩道長。不是薄游江海客。何由得覩此輝光。

九重

九重憂隱德如湯。禱祀壇傍夜有光。旱魃正逢周甲子。神君俱集漢明堂。繡成幡蓋虹雙引。挂定琉璃水一行。聞說詞臣咸萃止。抽毫拂素侍君王。

白燕

閒庭盡日見還稀。院院梨開去漸微。別殿幾年埋玉匣。舊人何處認烏衣。春風水面徒聞語。夜月梁間好弄輝。安得姚家紅線縷。卻看片雪帶花飛。

又

西飛歲歲候青陽。花發名園何處藏。天子郊謀呈瑞色。主人臺榭有輝光。輕翰掠雨綃初剪。小尾流風練愈長。萬里東歸看易沒。海天元是白雲鄉。

續白燕

一時伴侶自應非。海路空長遇亦稀。漢將玉門投老入。趙妃雪夜待人歸。孤迴夏日搖寒色。漸下秋空見羽衣。已識朱門無可托。玉樓天上任高飛。

又

青壁紅窓映苑牆。銜花泛羽暖羣芳。霜迷萬瓦單栖渺。草綠千堤片影涼。雲母屏深低綰袖。水晶簾動拂流黃。西園蝴蝶渾無賴。暗粉飄塵上海棠。

寄成女彝守備登州

女彝時寄蓬萊集。載登州海中風景。

牙門遙映列僊臺。總帥偏宜上將才。出海戈矛俱借水。飛空矢石併成雷。天邊送鴈將心往。馬上題詩帶景來。解道觀游憐獨賞。那能分向小蓬萊。

送方阜民公子還歙

方阜民驛公知山陰。渭始籍諸生提調師也。

江關楊柳弄新晴。游子思家數去程。客裏經春花作伴。酒中連日雨留行。輕裝未結離歌發。大道臨歧感慨生。欲把今朝雙別淚。寄彈一滴使君靈。

送通政胡君入閩

敬所君有同年御史大夫鉅閩。

訪舊暫爲閩海客。歸塗兼得武夷游。不堪暮雨張筵別。況值春花帶葉抽。山障入雲迷去騎。溪濤作雪瀉行舟。幕中無事同君飲。好向尊前惜筍簫。

言遊武夷道中撫景因憶往年尙賓呂君天台之約。

巖壑千重路轉偏。春陰漠漠帶炊烟。困投野店聊呼酒。笑問名山數舉鞭。龍鳥對人喧曙色。桃花臨水弄新年。多情忽憶天台約。歸去應尋剡曲船。

落花

花落條空芳樹稀。秦王宮裏捲羅衣。經過楚巷兼人麗。乍入梁園雜雪飛。送雨迎風俱是別。沾泥帶水不能歸。明年知向何枝發。願傍青陽近日暉。

泊閩門值閏月中秋

中秋只尺已蹉跎。更值中秋此地過。天上桂輪長苦滿。人間酒盞莫嫌多。虹橋一散能追不。海鏡孤飛奈墮何。最是虎邱此時節。清歌不住水微波。

送葛韜仲

時子初解繫。

杏花楊柳夾扶疎。送客澄江煮白魚。紫艷葡萄千日酒。白藤花匣萬言書。豐城劍出應雙躍。疊觀緣多且獨居。待爾他年拂衣日。看予渡海跨青驢。

飲枇杷園贈某君東道

園逼東鄰鈕給事家。故有後四句。實景也。

紅葵古盤碧蛆沈。南市青帘買卻斟。布衣眞可十日飲。碑錢索得隔年金。游魚觸沼聽歌淺。獨鶴穿花出唳深。給舍酒廚東壁是。縛拚畢卓可能禁。

奉送同府潘公募兵廣東

使君佐郡儼行春。開府知名下令新。手挈萬金收死士。身藏半綬見鄉人。部分卷甲趨春雨。弩矢成行夾畫輪。引向轅門投謁罷。試看主客集魚鱗。

十四夜

野外虛堂夜不扃。遙遙秋漢數峰青。舊栽菱葉侵河路。新折蓮房插膽瓶。涼氣欲來先到水。月光纔上只移檣。請看明夕三更漏。相對何人坐紙屏。

月下梨花

今宵風物異尋常。月底梨開萬朶光。閃雪搖冰偏倍晝。迷枝浸葉總生涼。痕嬌舊積啼春雨。鏡色新圓整夜粧。莫遣風吹迴作態。素娥應妬舞霓裳。

又

細蘂繁花帶月芳。新粧搖蕩宋家牆。銀叢泛影通河切。酥的飄輝接夢長。夕鳥幾條垂滴滴。春空一片綴蒼蒼。卻嫌曙色催將曉。冷暈微收益渺茫。

又

丹輪皓質兩微茫。桂粟梨雲鬪淺黃。萬點綃痕春帶水。一庭雪影夜生香。小星解照周衾伴。不夜爭懸漢帳倡。訝道獨禁風露冷。曾聽法曲立更長。

又

壁月流空霽色揚。梨英當夕弄青陽。搖寒隔院非關艷。映斷長天別有芳。粉靨團團新出洗。窓錢一一暗浮霜。多情錯認梅花夜。教進羅浮夢裏觴。

新建伯遺像

左袍綦履步從容。高額籠巾半覆鍾。千古眞知聽話虎。百年遺像見猶龍。夜來衣鉢今何在。畫裏須眉亦似儂。更道先生長不減。那能食粟度春風。

夜酌遲友人不至

方朔侏儒兩欲死。智伯中行一是知。醉裏放言何造次。醒中爲客太支離。簷飛細雨除清暑。燭笑羸花旋紫芝。坐待人來將說與。夜深敲缺睡壺兒。

贈府吳公詩

井序

吳公自曩昔攘斥夷寇。其在吾紹興。若浙東西松江諸道者。人易聞且見。故多美頌之詞。迨舟山之役。越在海外。其撫民搏寇之功。最多而且艱。人掩之。莫得而知也。獨渭以書記。辱在督府。隨衆人後。難談戎伍。稍悉其事。而今年台溫之捷。公之伐又最高。公既讓美不言。而世之公道。將遂因以漸沒。乃用鳴之以詩。使公知知其事者。尙有如渭者在。而渭之所處。則固有難於知者也。

幕中曾與衆人羣。幕外閒聽說使君。破劒壁間鳴怪事。孤城海上倚斜曛。談諧併謝長安米。懶散猶供記

室文把筆欲投還自笑。故山回首隔江雲。

與客登招寶山觀海。遂有擊楫岑港一窺賊壘之興。謹和開府胡公之韻奉呈。

滄海遙連雉堞明。登臨喜共幕賓清。千山見日天猶夜。萬國浮空水自平。不分番夷營別島。願圖方略至金城。歸來正值傳飛捷。露布催書倚馬纓。

爲子微題鷓鴣圖

鷓鴣對啼見本草

瘴雨蠻烟嶺樹蒼。舊遊曾記泊桅檣。對啼江岸霜初歇。獨聽扁舟草正芳。旅景誰將上縑素。羽衣今復見茅堂。似嫌越鳥南枝慣。擬欲乘風向北翔。

兩宿齊雲。下憩逆旅。夜大雪。因復登眺。

夜投山店醉眠休。早起茫茫攪敝裘。更向松間尋舊侶。要於雪後倚高樓。幾重碧殿深相映。萬里瑤臺儼若遊。歸路欲迷何處覓。野梅花落遶溪流。

孫忠烈公挽章

行藩黃屋車何用。上壽瑤塔酒未酣。豈有滿庭持漢節。終無箇士死淮南。百年正氣天爲永。一覺忠魂夢亦甘。詞客幽懷關世事。悲歌重扣劍之鐔。

下第回。值九日。登塢士山。訪北庵上人。

歸家忽已逢重九。聊向高山試一登。舌在何爲更問婦。葦除元不是求僧。秋雲隔水流數片。落葉依巖積

幾層話了出門月初上。岸蘆汀菊也相應。

訪玉芝師夜宿新庵同蕭女臣

參禪喜與梁王裔。合掌跏趺野竹叢。坐久空堂諸呪歇。夜深明月四山中。親陪客話拈珠串。獨臥行單坦片樓。一宿相留渾舊事。無生自愧永嘉公。

往年觀伎走解意。當是北產故綴四律。首章用北語。今年復來。知是金陵上元人。又攜一少伎。同坐簾上。分鐙放體空中。名曰童子拜觀音。乃昔年所無者。

人似明珠馬似盤。超騰隱現不離鞍。各彎鐙底羅鞋窄。都在空中粧翠寒。合掌幾回投地去。同心雙蝶隔花攢。莫嫌歲歲頻來往。家住金陵自不難。

與王山人對語

仗劍渡江王猛身。歸來又共坐青裯。平原自有三千客。門下聊同十九人。曾許鳳雛應不忝。由來龍性本難馴。久知世事只如此。且借清樽一洗塵。

乙丑元日大雪。自飲至醉。遂呼王山人過。尙志家痛飲。夜歸復浮白於園中。

元日獨酌不成酩。穿隣喚客雪中過。三百六旬又過矣。四十五春如老何。幘軟漸知簪髮少。興豪那計酒籌多。小園風景偏宜雪。綴柳粧梅有許窠。

飲太白樓

城上高樓接大河。城南池沼遶朱荷。千年供奉飛杯地。一夜徐州上水歌。露冷秋蛾爭彩燭。川長風荻亂金波。客中行樂無過此。前夕中秋何處過。

楊道人訪我于繫索詩

道人半在城都行。今過稽山上禹陵。身載瞿塘雪後水。手拖蒟醬國中藤。稍談鹿乘延卑品。欲拔雞羣亦上昇。近日嵇康知不免。懶將消息問孫登。

新秋避暑豁然堂

竹雨松濤響道房。瓜黃李碧酒筵香。人間何物熱不喘。此地蒼蠅凍欲僵。一水飛光帶城郭。千峰流翠上衣裳。窓前古木搖枝入。好挂輕絺細雪涼。

過陳守經留飯海棠樹下賦得夜雨剪春韭

春園暮雨細泱泱。韭葉當籬作意長。舊約隔年留話久。新蔬一束出泥香。梁塵已覺飛江燕。帽影時移亂海棠。醉後推敲應不免。只愁別駕惱郎當。

迎春值雪連歲雪多甚

雲黃瓦白照千家。雪裏迎春倍物華。士女紅樓先捲幔。吏人彩仗忽生花。瑞多自古無連歲。路滑從東接郡衙。半是三農占水旱。值隨牛尾不辭賒。

宮人入道明月、宮女名

昭陽隊裏混鉛華。垂老參師日半斜。不向秋風怨團扇。卻教明月進琵琶。朝留楚簾身爲雨。夜繡茅君線作霞。見說緱山閑姊妹。尙論恩寵舊誰家。

贈秦仲虛

冰玉山人本絕埃。西湖自築初陽臺。何年養鶴曾飛去。是水當門盡遠來。道士忽逢松樹下。漁舟放在藕花隈。知余欲與爲隣舍。指點孤山一角梅。

宿長春祠。夜半朱君扣榻。呼起視月。山缺處露錢塘僅一勺。而夜氣滃之。

長春明月夜闌干。起視當眉尺五間。千里林光俱浸水。一杯江氣欲浮山。似聞隔岫吹長笛。欲喚眞官語大還。忽憶廣寒清冷甚。有人孤佩響珊珊。

恭謁孝陵正韻。漢高仿佛皇祖。而以少文終其身。故五云然。而是日陵監略陳其先事。

二百年來一老生。白頭落魄到西京。疲驢狹路愁官長。破帽青衫拜孝陵。亭長一杯終馬上。橋山萬歲始龍迎。當時事業難身遇。馮仗中官說與聽。

答贈盛君時飲朝天宮道院。

長安道院一牽裳。司馬筵中再舉觴。柿葉學書才不短。杏花插鬢意何長。藥沈綠醕家廚釀。霜折紅蕉道觀房。坐裏黃冠三兩輩。醉來相與說先皇。

中秋雨集金氏園亭次陳思立。詩。朋酒斯享。朋。雙摩也。

中秋風雨劇凌馮。拂悶觥籌倒一朋。綠桂隔年疎彩暈。銀毳終夜斷長繩。泥深水掌花邊鴨。帽落霜顛影外僧。醉後忽呼長劍看。赤鱗乘漲欲飛騰。

十六日霽與張長治伯仲集城隅次長治韻

飄砧飛柝戍營秋。坐裏閒聽說潞州。孤鏡滿城池水洗。明河千尺傍人流。笑論昨夕能漂瓦。醉喚紅裙緩下樓。自古陰晴誰料得。莫辭連夜典鸞裘。

邦憲死而懷

遠從黃浦白波邊。淚盡枯魚黑索前。共許相逢還幾度。詎知此別卽千年。白楊樹下多風起。廣柳車中少客眠。見說吳門塘上曲。纔歌高士卽潸然。

贈遼東李長君都司

公子相過日正西。自言昨日破胡歸。寶刀雪暗桃花血。鐵鎧風輕柳葉衣。百口近來餘幾箇。一家長自出重圍。禪關夏色炎如此。聽罷淒霜雜霰飛。

許口北遺以綾帛綿三物題曰袍具作詩謝之

寓之西隣爲朝元觀。多棲方士。諸邊競用蔚州之炭。

吳蠶已挂山人肘。邊馬尤堪北寺臺。其奈沙場惟解雪。那能花處一題梅。昨期後府將軍獵。今學西隣道士雷。疊取蒲團高一尺。坐消一輛蔚州灰。

小集滴水厓朝陽觀

上谷

朝陽道觀一何縣。滴水孤厓百丈邊。餘氣出關雄大漠。長風吹壁立青天。窗扉近在栖鵬處。閣道都攔坐客前。不信夜來高頂望。定應笙鶴下飛仙。

徐州

將登黃樓。問棗下之婦。

今歲青青隴麥稠。去年河水過堤流。無家不自波中出。有甍都經樹杪遊。聚葉雙扉詢翠袖。柳根一面護黃樓。泗州潭底獼猴老。不信今還鎖泗州。

駕歸自閔。羣望于衢。恭賦。

三月三日。

桃李晴曠禁苑烟。變輿新幸北郊旋。團花鞞韃蒐春日。細柳旌旗拊牌年。一道甲光將雪借。千羣馬色截雲鮮。誰兼將帥爲天子。共喜文皇九葉元。

張雲南遣馬金囊

時余尙羈。而張亦被譴。

百顆緘題秋暑清。遙聞謫向最西營。張騫本帶葡萄入。馬援難拋薏苡行。萬里錦苞辭曉露。一泓寒舌攪春飴。年來不爲臨邛病。無奈羈愁渴易生。

壽吳宣府

近來宣府息烽埃。台吉求生款鎮臺。笑引雙椎胡女拜。傳呼萬帳令公來。艾年佩鵲寧非早。薇省垂魚不待推。報與江南春信道。題詩寄處隴梅開。

美人紅甲

近日新粧處處施。玉纖染草學胭脂。并將櫻顆銷筠管。忽散桃花上柳眉。春色每從梢畔露。麗情半出袖邊知。塞風昨夜吹膠折。抱得琵琶下手遲。

桓碑、望石也。魚、蠹也。楊梅樹下、禹陵子疑禹穴在此。玉字、謂金簡玉書也。

年來只讀景純書。此日登臨似啓予。羣罷桓碑猶豎卵。封完玉字不通魚。楊梅樹下人誰解。菡萏鬚中氣所居。卽遣子長重到此。不過探勝立須臾。

曹娥祠

曹娥十四死長江。江水連潮萬里長。精衛定應仇渤海。子胥豈只怒錢塘。一江魚鼈浮尸出。八尺龜螭臥絹黃。總爲金釵收噩氣。可憐梟獍遶爺娘。

露筋祠

烏鳥既能傷義士。蚊虻何苦碎貞肌。由來天道本無定。誰使昆蟲必有知。畫壁幾殘春社雨。靈風時滿夜歸旗。烟波一望三千里。長在湘江洛水湄。

馮刑部索書冊 慶成與宴圖

躬耕旣喜陪明主。列宴兼榮享大庖。蒼帝青陽臨左个。朱犁黃犢引南郊。筵前甕盎歸餘瀝。馬後蹄肩帶割肴。笑語細君將毋好。不勞諧謔自爲嘲。

送嘯上人之五臺

長嘯上人者。來自長干。慙謝雞鳴之妙景。輒馮短錫。卻棲鳳禁之西禪。候三月以飛花。指五臺而
引。跌草。佛燈萬點。天放琉璃。山翠千重。神移鷺鳥。冀文殊之親覲。別社友以長征。四韻送之。數言以

白下珠林最有名。忽來燕趙作遊僧。春風大衆迷花雨。夜壑孤藤看佛燈。已辦一瓢相伴去。其如多病不
能興。歸來只洗雙荷葉。聽學文殊演上乘。佛家以耳爲荷葉。

集李侯宅得鍾字

時內賜鮮楊梅。故用李令問鷄事。即杜詩李少監也。李侯高廟甥。家有所賜手書。又有眞貝多葉經。千番字如屯蜂。

侯家簾幕夜重重。醉客觴繁斷禁鍾。賜果自鮮冰後色。罌鵝直賤丈前醲。月斜苑樹寒孤鵲。字暗番經集
萬蜂。尚有御絨看未得。何時重許拆雙龍。

燕子樓

牡丹春後惟枝在。燕子樓空苦恨生。昨淚幾行因擁髻。當年一顧本傾城。分爲翡翠籠俱老。訝道泉臺伴
不成。猶勝分香臺上妾。更無一箇哭西陵。

送余興國

隣家兄弟逼炊烟。不見于今四十年。頗有長顏堪佐暮。頭多短髮尙留燕。深秋一路逢紅葉。明月雙帆挂
大川。黃鶴樓中可相引。石榴皮畔覓神僊。
駕幸月壇羣望西街。

玉露清秋湛碧空。金輿夕月引羣工。紅雲自結龍文上。彩仗如移桂影中。壁畔常儀端捧鬯。郊西新魄正垂弓。布衣久分華山侶。笑向歸驢墮晚風。

九月十六日遊南內。值大風雨。歸而雪滿西岫矣。

石橋魚龍百族。巧甚。云是西洋物。乃三寶太監取歸者。

寶樹瓊臺夾梵輪。星壇月宇詎非神。從來天上游俱夢。說向人間恐未真。風雨故捐銅網翼。魚龍欲活石橋鱗。尋詩正是迴驢處。忽面西山雪照人。

送新昌潘公

北斗聲名重二京。東朝保傅謝初榮。百年華髮睎三握。一日朱輪送滿城。漸喜河冰仍綠水。稍聞鄉雪盛黃精。快帆定落歸心後。客夢幾番天姥青。

將別復偕遊碧雲流觴枯柳之下

征輿解道明朝發。別酒遙從此地酣。盡日迴腸依曲水。昔年種柳似江潭。霜高睡短雞偏促。雪滑泥長馬不堪。差有梅花知客意。一程開逼一程南。

送朱使君大僕

長安明月金叵羅。幾度從君醉踏歌。北寺雲屯朝烙馬。西清風起夜聞荷。大臣自引行當召。醉尉逢人且莫呵。一葉米家書畫舫。白虹終夕遶滄波。

李子遂死。予設位哭之。遂擊木而歌此。

淚盡南天哭不回。李生真是可憐才。生芻解識徐家物。死夢應尋范式來。紫氣鑊干埋不得。青楓刺繡任成灰。知君去證金環果。戲取楊花李上開。

讀問棘堂集擬寄湯君

蘭若翡翠逐時鳴。誰解鈞天響洞庭。鼓瑟定應遭客罵。執鞭今始慰生平。卽收呂覽千金市。直換咸陽許座城。無限龍門蠶室淚。難偕書札報任卿。

金剛子珠串

不共番經出寶函。定從胡腕摘偏衫。核堆繡字蟬螭爛。果聚香林孔雀銜。不斷百思惟嶺揭。手提一串縛狂獐。饑來換米無人識。送與游僧上海帆。

聞都督再遷山西武寧

胡牀雪夜斗牛裘。親待回探夜不收。薊北咽喉此爲最。山西將帥爾稱優。千金粉面捐廝養。百鞘朱提買絡頭。倒死瀟瀾姑諾諾。大宛終敗匿驂騑。

自盆道走居庸雪。連峰百仞橫障百折。銀色晃晃。故來撲人中。一道亦銀鋪也。坐小兒。冒以紅氈。疲羸數頭。匣劒笈書相後先。冰氣栗冽。肌粟蟲蟲如南夏瘴。苦吟凍肩倍聳。憊甚矣。卻贏得在荆關圖畫中浮生半日。

昨夜飛花苦不多。朝來起視白峩峩。一行裘帽風中去。半日關山雪裏過。銀髻望夫高入漢。玉屏隨客折。

成河中間一道明如線。四角紅氍擁數驂。

送丁叔子北上慰乃兄

令威三世通家好。廿載遷居會面除。醉我龍鐘纔地主。憐君馬首又天涯。春燈雨雪瀟瀟夜。野店茶湯處處家。想見皇都堤草綠。春鴿細語遶梨花。

代壽黔公

有道明王守四夷。公家鎖鑰在雕題。一天樞紐羣星北。萬里金湯半壁西。茅氏騎龍艱劫火。王喬奉藥儼丸泥。何如翊戴勳臣府。永鑄金書鐵馬蹏。

又

異姓王功階特進。大將軍客揖須長。太平象馬舞何事。勝會鳬鷺醉不妨。錦席珠璣羣彥舌。金爐烟霧百蠻香。殷勤剩有華封祝。先遣山呼到帝鄉。

又

千花百果候青陽。二月爛斑匝點蒼。樣簇濃枝靈鷲錦。光添繡襖石麟牀。干戈後取儀雙髻。弧矢先懸志四方。我國同休恩不淺。年年此日憶高皇。

亞夫墓

墓在巢縣。此亦虛傳也。

王者從來云不死。共疑隆準及重瞳。已占龍氣成天子。卻幸鴻門敗乃公。一牧乳羊遮墓白。幾株寒棗覆

碑紅憐儂疽發不欲活。豈爲人間少鄧通。

白牝蛟

招寶山東行若千里洋也。白牝蛟宮之相傳是千年物。遂名其所蛟門。而向所詒海酋王直之倭商住岑港者。自春抵夏。屢進剿。屢阻於雨。人言蛟之祟也。幕中醜罵蛟。俄而雨如注。

寶山門外白蛟宮。獨處千年不嫁雄。頓頓渦涎垂燕子。殷殷霹靂懶蜈蚣。風權近屬誰家掌。日本頻由爾路通。一語稍噴酬惡雨。量無周處在軍中。

又

儂應坐視稿三農。不爾祠何客一叢。早使嫁夫封石氏。肯教將尾示劉翁。寸鱗縮虱腥逃井。蛻骨專車雪硬風。莫倚篆龍終篆爾。史臣親記醢雌龍。

讀文信公仙巖祠集焚弔

每疑天意不分明。枉殺呼天問屈平。諸葛既難扶後主。廬陵何用產先生。停舟此夜艱危地。出戶當年歎息聲。腦子不靈尤恠事。竟將腔血灑燕京。

又

山翁伏臘競雞豚。海船針羅失曉昏。六尺托孤俱趙氏。一宵投主得公孫。波濤解逐旌旗走。巖洞寧無氣魄存。安得扶叩親一拜。百花如錦醉山門。

夜坐有感轉憶往事

朝來乾鵲聒簷牙。入夜孤燈也弄花。兒女一生夢養虎。行藏四足畫添蛇。因嗟竹箭歌如簀。時泛荷花到若邪。記得萬峰高頂鹿。竟晞黃犬獵人家。

香烟

誰將金鴨銜儂息。我只磁龜待爾灰。軟度低窗領風影。濃梳高髻綰雲堆。絲游不解黏花落。縷嗅如能惹蝶來。京買漸疎包亦盡。空餘紅印一梢梅。

又

午坐焚香枉連歲。香烟妙賞始今朝。龍拏雲霧終傷猛。蜃起樓臺不暇飄。直上亭亭纔佇立。斜飛冉冉忽逍遙。細思絕景雙難比。除是錢塘八月潮。

又

霜沈欄竹更無他。底事遊魂演百魔。幽谷迎關儗紫氣。雪山灌頂散青螺。孤螢一點停灰冷。古樹千藤寫影拖。春夢婆今何處去。馮誰舉此似東坡。

又

簷蔔花香形不似。菖蒲花似不如香。揣摩范曄鼻何暇。應接王郎眼倍忙。滄海霧蒸神仗煖。蛾眉雪挂佛燈涼。併儂三物如堪捉。捉付孫娘刺繡牀。

又

說與焚香知不知。最堪描畫是烟時。陽成罐口飛逃汞。太古坑中刷裊絲。想見當初勞造化。亦如此物辦恢奇。道人不解供呼吸。閒看須臾變換嬉。

又

西窗影歇觀雖寂。左柳籠穿息不遮。懶學吳兒煨銀杏。且隨道士袖青蛇。掃空烟火香嚴鼻。琢盡玲瓏海象牙。莫訝因風忽濃淡。高空刻刻改雲霞。右香簡。

又

香毬不減橘團圓。橘氣毬香總可憐。蟻虱窠窠逃熱瘴。烟雲夜夜輟寒氈。蘭消蕙歇東方白。炷插針牢北斗旋。一粒馬牙聊我輩。萬金龍腦付嬋娟。右香毬。

春興

好景蹉跎知幾迴。今春商略紫洪隈。固應帶鋪挑深笋。兼好提尊餞落梅。雙蹇百錢苦難辦。片槩孤舟盪莫催。見說山家兒子軟。借穿峰頂晚霞堆。紫洪笋絕佳。

又

乾坤瞬息雪邊風。萬事陰晴雨後虹。已分屠門齋後斷。只難酒盞座前空。半緡榆莢求書客。數點梅花換米翁。小飲牆西隣竹暗。綿蠻對對語春叢。

又

二月四日吾已降攝提尙復指蒼龍當時小祿慈闈繡連歲寒衣隣母縫一股蟲尸忙萬蟻百鬚花粉亂
千蜂自憐伯玉知非晚除卻樽罍事事慵

又

李白桃紅照眼明蘭風梨雪逼人清一枝帶藥馮吾折雙蝶隨風各自爭粉翅撲衣猶可耐墨針穿帽此
何黥因思花草猶難掇卻悔從前受一經

又

七旬過二是今年垂老無孫守墓田半畝稻秧空餓鹿兩株松樹罷啼鵲悲來辛巳初生日哭向清明細
雨天忽撚柳枝翻一笑笑儂元是老婆禪松爲盜砍

又

昨冬不寐苦夜永此月新弦喜晝長柳色未黃寒食過槐芽初綠冷淘香西池蝌蚪愁將動北地鞦韆影
不忘描寫姬姜三百句白魚饅飽小巾箱舊聞鞦韆在臨濟賦詩數十首幾三百句

又

胡烽信報收秦塞夷警妖傳自贛州十萬樓船指甌越結交鄰國且琉球不臣趙尉終辭帝自王田橫怕
拜侯幾島彈丸髣髴頂物敢驚沙上一浮鷗

又

孟光久矣掩泉臺。海口新阡此再開。煖色一天霞影入。寒潮萬里雪山來。迢迢支壠何方發。箇箇曾揚着處猜。急買松秧三百本。高陰元仗拂雲材。

送季子微赴李寧武總兵之約

黑貂裘襖盡長安。此去關山雪未殘。挂印曾蒙公子約。解袍應念故人寒。大豪馬邑填堪弔。天險羊腸路復難。到後莫須先一拜。未妨長鋏向人彈。

南鎮之南原桃樹數百。花時余數遊賞。當武陵也。道士苦打攪盡伐之。憶以詩。

鎮南亦自有桃源。載酒來尋不計年。祇爲燒茶煩道士。故令閉洞返漁船。一從春雨花開後。是處朝霞色可憐。笑我老來無腳力。欲呼船子少船錢。

二月望後。連日夜風甚。不減前年。而是日二兒書至。

天寒地凍正霜宵。被冷風號入帳驕。貫屋再經飄瓦盡。破爐重補買薪燒。老牛脊壞堪馱鳥。小犢書來尙滯遼。好買紫團蓑一搭。急鞭歸馬補虛勞。

醉後跌損脊骨。爛而瘡。少陵病馬詩。日暮不收烏啄瘡。

唐伯虎畫崔氏。且題次其韻。

彷彿相逢待月身。不知今夕是何辰。行雲總作當年散。胡粉空傳半面春。嫁後形容難不老。畫中臨榻也應陳。虎頭亦是登徒子。特取妖嬌動世人。

吳宣府新膺總督

邸報初翻數葉藤。棟梁今喜梗枵勝。市場春後皆青草。司馬秋來在白登。天下安危眞足仗。眼前修短却難憑。最憐投轄相知客。不得隨車負此情。

子肅再赴威總戎所未至死於都下

正韻

幕中賓客盛文詞。幕府黃金客再持。共擬歸來作生計。不堪老去哭相知。一春綠草飛蝴蝶。十里黃沙暗鼓鼙。兩地分明誰苦樂。遊魂莫遣到家遲。

紅葉

纔見芳華照眼新。又看紅葉點衣頻。只言春色能嬌物。不道秋霜解媚人。宮水正寒愁字字。吳江初冷錦鱗鱗。更餘一種閒風景。醉雜黃花野老巾。

蘭亭次韻

相傳蕭翼竊蘭亭記。撇
百花一時盡開。

長堤高柳帶平沙。無處春來不酒家。野外光風偏拂馬。市門殘帖解開花。新觴曲引諸溪水。舊寺巖垂幾樹茶。回首永和如昨日。不堪悵望晚天霞。

送長洲居山人士貞

客裏尊罍每見陪。那能不飲送將歸。歌長筑短堪流淚。雉叫鷹呼未解圍。雨雪尙淹春籜薦。清明還競夜餚非。鄉風處處從來異。曾宿閭門記憶微。

重修乾清宮成迎慈聖再御

輔臣用此題選翰庶時予客京師沒賦

闔闔重新紫極熙。姬姜再御寶輶移。慈顏既近趨承易。聖體猶冲保護宜。鳥喚歌筵前日曲。花繡梵路舊時枝。一人奉養兼天下。大孝鴻名萬古垂。

五色鸚鵡黃鸚鵡。並是聖母所馴。各賦。

白燕往時呈翰苑。錦鸚今日貢宸居。萬年枝上栖偏麗。百鳥圖中態未如。象養固知天意在。語言長得聖顏舒。何因五色鮮成染。自是鳩皇煉石餘。

又

合殿風和碧柳絲。嘉禽色占錦紋奇。兼呈五德靈雞綬。倒挂孤桐小鳳儀。無數天機臨譜繡。有時人語出花枝。侍兒不用拋紅豆。自有佳音慰聖慈。右五色者

又

西隴靈禽翡翠粧。稀聞正色染黃裳。自談玉殿非關學。却照金籠別有光。飲啄定應歌帝力。生成何幸稟中央。千秋萬歲歡無極。土德坤輿本肇祥。

又

鸚鵡由來只翠衿。中央正色見於今。將懸半映初生柳。欲繡全宜細縷金。教言一一聞清禁。銜果時時摘上林。不是黃筌能畫取。誰知殿角有祥禽。右黃色者

賞成氏牡丹和韻

將軍臺館俯林泉，春後名花幾日鮮。一本千金非不貴，數杯深夜轉堪憐。却披半暈當亭下，似出殘粧媚客前。遙憶舊京歡賞處，馬蹄塵土踏成煙。

王翁八十令書貞松白石畫中

公再舉鄉飲

鄉里丈人誰最賢，竹齋先生無間然。八旬尚有嬰兒色，三老重登國學筵。春社插花人醉後，秋蠅作字夜燈前。庭中桂子森如玉，白石長松好共懸。

姚崇明晚暎堂

粉額縣題晚暎堂，主人留客夜焚香。提壺不必過隣店，買笋真教揀破塘。彭澤俸錢多備酒，崇明宦橐止栽桑。僦居幸得爲隣舍，伏臘長招醉酒漿。

清涼寺云是梁武臺城

蕭梁臺殿一灰飛，薺麥清明雉兔肥。壞榜幾更金利字，饑魂應爛鐵城圍。東來鏡折龍潭水，北去廬長燕子磯。千古興亡真一夢，隔江閒數莫鴉歸。

壽馬先生七十

先生齒居會社之第三席。又兩牧州府。鄭箋魚蟲無魚蝦。古人往往如此用。一見東坡集。

流朱拂茜雜輕霞，庭畔重縣講日紗。一竹青青支國杖，數榴灑灑動江花。社筵推長今三席，州郡分春已萬家。自笑傳經老徐孺，猶將詩說注蟲蝦。

元夕寄金武康

曾醉春街典破裘。那堪老去却囊頭。鼠凌白晝爭人食。雨共青燈管夜愁。萬戶新粧華月鏡。一天彩勝亂風毬。流思忽到苕西路。似見絃歌擁子游。

寄上海諸友人

雙魚歲晚渡江津。笋飯蕪羹又換春。棄印可望天上客。射書元屬海東人。天愁夜幕鈴偏急。柵暗縲藤鼠正巡。湖水萬重蘭芷隔。因君還上佩芳身。

戊辰廿有四日。尙賓時中。宿於園。夜大風雨。冰厚尺。詰朝得子。廿北報。走筆遍諸友。

夢裏分明夢塞鴻。朝來使有鯉魚通。話深白楊三人雨。冰斷黃河一夜風。馬憊豈堪重蹀躞。鳥飛何苦辨雌雄。雲天萬里嘗嫌窄。恰作庖雞鎖日籠。

玉師挽章

師蛻棺以兩瓦甕頓。駐蹕嶺庵中。

隻鞋葱嶺去三年。兩甕團團嶺箇邊。劫火只思將骨化。寒花依舊護人眠。我雖活在如籠鳥。子已瀟然作蛻蟬。安得騎牛天竺道。月明重話再生緣。

養生書成。紀事與夢。

注參同契成。家釜炊飯盡黃。夢小溪蟹如斗。大脫殼出嬰兒。已而復入殼。時尚繫。

黃梁換色道書成。紫甲更來夢裏呈。孝婦不冤終有雨。水禽持蚌一何晴。中郎贖命慳修史。叔夜濱刑且養生。見說漁翁馮一葉。波掀浪穩付前程。

某氏新園

買地鋪山引露濃。中縣洞壑亞玲瓏。抽將菡萏誰邊水。割取蓬瀛若箇峯。江左枯基宜別墅。襄陽落日醉山翁。花枝儘媚當尊客。莫辨金釵座上紅。

送趙大理

先巡撫貴州。遷擢大理。

纔聞歸馬駐雙輪。又見旌麾動去塵。廷尉由來須長者。武侯聊借服南人。昨經湘水洲蘭莫。今渡黃河岸草春。萬里波濤隨意挽。相逢處處有枯鱗。

綠牡丹

白牡丹姓張。名珍奴。白牡丹姓張。名珍奴。綠牡丹回道士教之修鍊。

牡丹綠者未曾聞。狡獪司花此弄新。漢水鵲頭教作帳。隴山鸚鵡未呼人。韓郎頃刻愁難學。酒帶逡巡醉可頻。不羨張家回道士。自拋紅粉鍊庚辛。

次蘇長公雪詩

翩如山舞玉人纖。皎似禪宗戒律嚴。姑去盡留雲母粉。客來只醉水晶鹽。正愁黃獨迷鑊柄。故壓梅花入帽簷。埋沒遠山知幾許。且收螺子畫眉尖。何仙姑食雲母粉而仙去。予亦稍畫人物。

又

白糝堆寒沒曙鴉。姨家風急攪銀車。翻將灞水驢邊色。忽點孤山幕上花。何物黃冠滕六友。相思白舫戴逵家。今朝穆滿觴黃竹。笑指銀泥畫戟叉。

又

固知嫋嫋不勝纖。亦有稜稜莊且嚴。劍底白猿塵越女。槎頭黑獐粉無鹽。冰初勢已寒千仞。霽後人多曝一簷。笑憶小姬誇黨日。可教輕試茗芽尖。

又

海上青山插髻鴉。海蛟輸織不論車。儘教一夜裁綃葉。那得傾都不奈花。粉屐特停漁者棹。赤梢併付酒人家。蚨郎迫使劉伶去。忍別青旗燕尾叉。

青州贈翟礎研副以詩奉答

恭承錦字題文石。尙帶青州海氣濃。蜃影幾痕疑墨繡。雀臺萬瓦賤漳銅。醉來好蘸張顛髮。老去羞箋鄭氏蟲。應有紅絲螭匣底。宮鬟爭捧寫蘋風。

莫老至。雙矣。

長洲人。向住杭湖墅。能詩。

幾度相逢莫丈人。幾年斷却耳根塵。新潮正險君何冒。舊雨重來話只陳。梅樹一堤通處士。桃花雙板閉漁津。詩名到處南金重。自歎工詩老更貧。

八月十八日阿枳三江觀潮夜歸示

東來小港入潮枯。總直潮辰只大都。父老猶談錢氏弩。波濤終奉浙江符。一城菜熟須鹽急。百笠蘆長縛蟹麤。却問黃塵飛未得。祇言鹹濕滿頭顱。

又

聞道黃熊伯子宮。銀山銀海走銀虹。千花競蹙魚龍後。萬里長來日月東。河伯正驕秋水舌。非神亦弄廣陵風。蓮姬自愛潮多信。看弄潮兒欲嫁儂。

又

胡馬帆檣故不禁。鳴潮故避大江深。非關冰許淖沱合。信是鯨高海浪沈。處處新粧邀步襪。年年舊雪漲城陰。阿宣也鎖書堂去。獨曳青藜詠玉簪。

戲擬不往

白頭笋簪齋中坐。赤腳蓮花頂上行。九節閒將叩竹杖。一籌輸與老門生。邇來婚嫁麤酬債。此去風波任打萍。五嶽高頭誰掖我。肉身菩薩未身輕。

讀某愍婦弔集

弔集云。愍婦之死非一端。最甚者。以姑棄給其子不認其母。云少時乳母也。

嬌鏡難教兩處明。空桑真見一兒生。噴乾口血鼻初大。綵落梁塵雉自經。寸骨崢嶸爭壑雪。百吟風雨響窗晴。急須一本彈漁鼓。恐有中郎別唱行。

擬弔蘇小墓

一杯蘇小是耶非。繡口花腮爛舞衣。自古佳人難再得。從今比翼罷雙飛。薤邊露眼啼痕淺。松下同心結帶稀。恨不顛狂如大阮。欠將一哭慟兵閭。

聞里中有買得扶桑花者

憶別湯江五十霜。蠻花長憶爛扶桑。陸郎第爾知何等。趙尉栽儂定幾行。蜀魄啼盡乾夜夜。猩魂搏血濕蒼蒼。狂香結態堪誰比。箇是憨兒醉後粧。

又

炎花冷蕊逐時開。當取當壚着處陪。海女纏頭雖絳帕。江楓落葉亦殷腮。千金知向何番買。一朵分簪破帽來。奪取胭脂等閒事。只愁兒女太安排。

又

篋茜奩螺取次將。長紅大翠儘蠻娘。闌干笑語腮堪譯。浣火衫裙焰未涼。白浪有緣陪賈客。江湖無伴醉檳榔。吾鄉惡熱連年更。帶得蒲葵上海航。

又

鶴林寺裏別袈裟。又幻扶桑到若耶。溪女惜香還菡萏。海人澆醉歇枇杷。似聞此地春猶雪。悔上孤帆曉載霞。臘社少年貂帽上。簪紅莫忘遍茶花。

今來自嶺海者云扶桑花也。予昔所見殊不類是。殆大蘇所詠涓涓泣露紫含笑。焰焰燒空紅佛桑耳。花家剪雙頭見寄。始覺首四作之誤。乘酒漫成六首。以贖差錯。插硯水瓶。嫣然有笑語意。豈亦憐老人之衰眊耶。復取餘瀝澆之。當纏頭耳。滇蜀村歌云。披簷衣。打杖頭鼓。風流在何處。予擬答

鄉諺云。雪落長江裏。依舊化作水。何不落則雨。却要底字鄉語讀作以是箇底。不知花神有知。作何平章。夜見夢云。叟所謂黃連樹下彈琴也。

昔者曾憐佛桑賤。今來却見貴扶桑。天雞叫罷日纔上。海蜃樓高霞正忙。此時此花染欲醉。是株是朵茜成行。都爭茜頰堪千鎰。誰問蓮花似六郎。

又

天喬萬里忘風土。天地中州若雨陽。面面燕支凌虜妾。家家蝴蝶過隣牆。已聞好事狂通國。會見名園賤洛陽。剩葉可醫蠶病不。大家春箔臥銀僵。扶桑蠶長七尺子如燕卵

又

扶桑一擲百樗蒲。賈舶槌蚌罄鏹塗。萬鉢鉞鋤寧汝願。幾春爛熳爲誰都。盡從海島陪田客。故試淮泥可木奴。欲借邊鸞花鳥手。爲添王會百花圖。

又

翠幄青欄半面扶。烘脂炙粉照蒼梧。稍疑鹽婦頻中酒。莫認昭君肯嫁胡。幸爾波帆收北指。慚余霜鬢對東塗。嫣然一笑如相問。儂是南鵬第幾雛。

又

媛紅滴滴兩名娃。插向磁瓶研水些。崔閤小紗縫杏子。石家大剪裝榴花。無橐可傾河朔飲。有儂堪老邵

平瓜矮檐破壁還愁汝。雨惡風狂燕掠斜。

又

將軍池館有王戎。何似扶桑到海東。過嶺風塵雙袖暗。際天烟漲一裙紅。細腰迴雪憎魔女。濃頰圍燈笑醉翁。寄語寒溫須着意。別來淚血尚溶溶。

寄吳通府以墨見寄

名成器。休寧人。時予初出。繫。吳勛僕功多。在處有碑。

紫顙舊映郡齋長。聞道顙今亦着霜。去定將軍呵醉尉。生猶碑字滿襄陽。殘軀乍別阿鼻鬼。寶匣遙飛片腦香。近日東陵瓜好不。幾從炎熱轉清涼。

魏文靖公卮貯以梓匣。輒賦。

魏家名德並恢恢。魏氏宗彝並偉瑰。既有貞觀丞相笏。復傳文靖鉅公杯。金螭百隻誇誰氏。火色千陶翠此枚。貰取隣醅賞新購。先澆一滴向西飛。

某君見遺石磬

泗上歸來動隔年。親提浮磬興冷然。一除梵版裁雲俗。再扣哀鷗遶竹圓。老去固難腰似折。貧來直到室如懸。閒窗重理當時架。數杵香殘客話邊。

賣貂

予再北。以贊文得貂帽領。敝其三。賣其六。乃不滿十五金。

市上挾葛塞眼黃。將貂往市不成羊。孟嘗一腋收狐白。季子千金敝洛陽。固是此方饒毒熱。亦窺生事正

空囊鹿皮破盡惟斑在。大雪關門擁壞牀。

賣磬

散似多竹。而鴉叫振林。每歌輒罷。

貧來一石不能留。解贈王郎愧取酬。莊舄戀鄉聲自舊。金人辭漢淚長流。半肩荷蕢過門銷。一葉師襄入海遊。寄語春秋休責備。後來能有此人不。

賣畫

一束丹青半贊詩。稍如吏部長安時。蕭條客舍彈碁得。流落人間作記垂。到處馮將臨履估。傾箱拚共蠹魚饑。臥遊忽奪正惆悵。壁隙何遮風太吹。

賣書

第三言已身亦將賣耳。況書乎。作音傲。僮書用便了券事。

貝葉千緡粟一提。持經換飽笑僧尼。僮書我亦王家作。偶散誰非大塊泥。帶草連年高纂述。巾箱一日去筌蹄。聊堆剩本充高枕。一字不看眠日低。

長至次朝

昨日涼雲絳色微。朝來南鳥北籠飛。一丸自弄元黃劇。百線爭穿傀儡機。小劫驚蹄撐略住。大人龍伯負將歸。何年姑復鞭爲馬。數盡河沙未放羈。

岳公祠

墓門朱戟碧湖中。湖上桃花相映紅。四海龍蛇寒食後。六陵風雨大江東。英雄幾夜乾坤博。忠孝誰家俎

豆同腸斷兩宮終朔雪。年年麥飯隔春風。

某君生朝。抹牡丹爲壽。

道德因爲長久物。崇高亦是聖賢嘉。莫言白首疎狂客。也須朱闌富貴花。一研溫風輕散凍。數尖濃葉醉塗鴉。試教挂向西京宅。未許堯夫筭有涯。

十月廿二日園西櫻桃數花。便有蝶至。

令節初冬逼下旬。櫻桃數杪着花新。天寒翠袖宜深幕。日暮紅簾訝美人。小頰預施三月粉。微脂未褪昨宵唇。梨花定不開天上。百姓人家借小春。

又

夏實每看當鳥盡。冬花何事向人妍。不堪憔悴行吟後。故弄陽春欲雪前。正苦白頭愁兀兀。誰家黃蝶過娟娟。杖藜立斷斜陽影。淚盡西風送菊天。

訪李岫巖山人於靈隱寺。

時被繫七年暫放。先是寓杭年。少暇則扁舟湖上。故有末句。

岫巖詩客學全真。半日深山說鬼神。送到澗聲無響處。歸來明月滿前津。七年火宅三車客。十里荷花兩槳人。兩岸鷗鷺渾似昨。就中應有舊相親。

九月朔與諸友醉某子長安邸舍得花字。

時一傳友稍貳。故及之。時又值大除溝道。

滿庭山色半闌花。觴曲交飛古俠家。肝膽易傾除酒畔。弟兄難會最天涯。不教酩酊歸何事。望到茱萸節。

尙賒燭暗溝渾都莫慮。近來官道鎗堆沙。

某伯子惠虎邱茗謝之。

虎邱春茗妙烘蒸。七碗何愁不上升。青箬舊封題穀雨。紫沙新罐買宜興。却從梅月橫三弄。細攪松風地一燈。合向吳儂形管說。好將書上玉壺冰。

桐鄉馮母

其子成進士疏母節。

三遷近俎苦霜時。一尺殊恩湛露垂。自古男兒嬰白少。誰家嫠婦帝王知。高齋客飯寧辭髮。落葉寒機幾斷絲。見說仙郎棲海曲。更無魚鮓到塘西。

又

青史他年定幾行。太夫人傳在中央。不須竊藥居明月。自解將心結暗霜。片匣遠飛鸞字重。單離親刷鳳毛長。羅敷雖老攜筐在。付與吳姬出采桑。

畫魚既作古詩矣。久之復得七律。

茲圖稍似少陵詩。微風吹雨出魚兒。尺梢詎許牛涔活。遠水何勞象隊移。是處有魚爭聚網。畫心無網慙搖鬣。五侯刀几知多少。免爾爲鯖正在斯。

擬送巡滇者

先君後先兩撫賊。敘勞僅得夔州府同知。不有名宦可祠耶。志可收耶。

握節新爲萬里行。何人不羨舊書生。一簪白筆襜帷冷。幾驛紅氍祖道平。清淨共推周柱下。糾彈交指沐

黔寧故家門第須喬木。何況先皇許世臣。

又

孟密土官爭寶井。臨安那大反狂酋。兩番並屬先人撫。一字曾無太史收。正值同袍巡此地。却嫌泥壁向高頭。況無杯酒爲儂別。安得匆匆絮所求。

過伯升宅玩骨董。而菖蒲尤盛。魚有紅色。有藍色。有玉。有錦。俱三尾如鼎。又有水晶四尾者。

菖蒲鉢鉢虎鬚抽。玳瑁盆盆錦鯽浮。衰老一塵幾不染。小兒百件欲拏週。言歸肯問遲和早。再到寧知得與不。落日青山三四點。幾回舟子促回舟。

雪中移居

十度移家四十年。今來移迫莫冬天。破書一束苦濕雪。折足雙鐺愁斷烟。羅雀是門都解冷。啼鴛換谷不成遷。只堪醉咏梅花下。其奈杖頭無酒錢。

又

高雪壓瓦轟折椽。跋凍移家勞可憐。長鬚赤脚泥一尺。買傭呼酒賒百錢。饑鳥待我彼簷外。梅花送客此窗前。百苦千愁不在念。腸斷茫茫黯黯天。

送婁某丞丹陽

乃祖御史

吾兄驄馬後昆賢。今佐鳴琴倍灑然。雙杪長松廳事後。三吳流水大江邊。應憐道路疲迎送。莫買鱗鱸糜。

俸錢他日相過莫相忘。金山頂上酌清泉。

錢王孫餉蟹不減陳君肥傑酒而剝之特旨。

飯生用字換霜螯待詔將書易雪糕併是老饕營口腹。省教半李奪蟭蟧。百年生死鷗鷺杓。一殼元黃玳瑁膏。不有相知能餉此。止持蠶脯下村膠。文待詔却唐王黃金數笏。而小人持一筵餽索字。內之。

答嘉則

十年讒一問平安。只尺渾如對面看。舊日詩評雖有價。近來公論孰登壇。百年忽已崦嵫暮。一齒時崩苜蓿盤。臘雪秋潮同馬日。何人不道是金蘭。

詣五洩驢上口占寄駱懷遠

勝賞猶縣百里堤。蹄僵路滑不勝泥。溪山待客寒雲外。雨雪逢君楓樹西。束帶豈難官自懶。尺箠不重老能提。何由共轡蒼苔上。指與諸峰一一題。

九流

九流渭也落何流。戴髮星星一比邱。紅袖曾酣樓上舞。黑風仍墮海洋舟。偷酤畢卓生爲酒。辟穀張良死在留。每枉尊疊思一報。幾時將轄井中投。

雞聲

雲中丹竈伴神仙。亦有棲遲高樹顛。向夕旣來迴客夢。凌晨特去曉霜天。韻飄籬外雞俱集。頸漲花前繡

愈圓不似吳門塘上鴨。只將名姓向人宣。

蛙聲

陂塘科斗書猶易。海國侏儒譯較難。草際不知何物語。燈前直聽幾宵闌。榴風爲遞愁蛇覺。梅雨交喧亂鴨欄。五寸卽且留不得。令人爲爾發長歎。

聞有賦壞翅鶴者。予嘗傷事廢餐。羸眩致跌。右臂骨脫突肩。自昨冬涉夏。復病脚軟。必杖而後行。茲也感仙壘之易賊。羨令威而不皆。橫榻哀吟。輒得二首。

澤國秋飈海色鮮。飛騰無計只頽然。雙棲入夜遮烟獨。半影拖花寫雪偏。衣袒右肩慵梵客。柳生左肘任皇天。可憐獨剩滄溟氣。乞與昂藏步榻邊。

又

欲鳴不鳴拍不禁。況復蒼蒼萬里心。舞袖今餘兩垂手。曝衣惟障一邊陰。不辭搖拽將池邊。似解蹉躓照井深。傾國捧心翻所貴。一庭欹影換清吟。

建陽李君寄馴鵬。俄瘡於野狸。信至燕哀以三曲。

予四畜鵬而輒敗。其一爲廣東陽江楊氏所遺。一從少保公行闕分緒康饋。一爲錢子鵬詩。此則李所寄。並閩產也。

○杜甫詠鸚鵡。世人憐復損。何用羽毛奇。癡陶詩。秋來見月興歸思。自起開簾放白鵬。

魚鳥尋盟未許同。冥棲誰復伴龍鍾。荒欄取食曾呼掌。繡尾迴霜罷掃籠。老去逢愁消不易。秋來見月放成空。定知此夜魂游處。多在武夷山水中。

又

素姿馴態碧山空。劇爪貪涎一飽充。殘粟幾乾遺甕水。落花時起墮毛風。千里提攜兩蠻嶠。四迴窠養一飄蓬。將詩換得胡家者。向後不知何所終。

又

憶昨含悽下主庭。殊方遠嫁儼姬嬴。正憐妙羽搖孤雪。忍爲饑饕爛一脛。草色應枯武夷道。書聞亦濕建陽纓。情鍾此輩非關癖。猿鶴年來一擊情。

賦得萬綠枝頭紅一點

名園樹樹老啼鶯。葉底孤花巧弄春。已拚濃陰渾覆鳥。獨留殘豔尙撩人。青樓百座迎桃葉。翠袖傾宮捧太真。記得隴西長吉語。斗筲如海爲朱唇。

王鄉人尋二十年之父櫬歸自衛輝合其母壙

寄埋叢塚北邙同。有客求尸萬莽中。白骨兩鄉兒得父。黃泉一笑姬迎翁。淚餘指點居亭老。血盡鉞兩夜。壙紅千古燈檠歸櫬事。莫論眞贋總輸儂。

賦得漁人網集澄潭下

紅椒碧鮓數甕州。百網家家白鷺洲。柳外鳴榔喧隔浦。夜來燃竹滿中流。長鯨未必愁連弩。公子仍煩餌一牛。提向酒家都葑葉。可憐無計避鰲油。

十七夕

宣城中達溝皆流水。至是冰咽矣。

銀帶邊兒駿馬馱。西墻倒酒劇懸河。高松入座無人對。明月當杯奈夜何。此際鄉心愁不少。滿城流水響無多。東房老衲憐牢落。夜夜來吹鶻打鴝。

賦得賈客船隨返照來

千金不惜買鳴箏。萬斛魚鹽水上行。幾度烟波愁日暮。半程風物趁天晴。西郊鶻鶴摩雲入。東道艖舫晚飯迎。笑指紅霞如有意。乾衣騎馬廣陵城。

書劉子梅譜

有序。此予未習畫之作。

劉典寶一日持己所譜梅花。凡二十有二。以過余請評。予不能畫。而畫之意則稍解。至於詩。則不特稍解。且稍能矣。自古咏梅詩以千百計。大率刻深而求似。多不足而約略。而不求似者多有餘。然則畫梅者。得無亦似之乎。典寶君之譜梅。其畫家之法。必不可少者。予不能道之。由若其不求似。而有餘。則予之所深取也。急掀一過。不必跨驢向灞橋。而詩思飄然。於是呼管贈典君。書舊所贈二幅使吟之。典君試吟。果亦不必跨驢向灞橋。而畫思飄然。更掃一枝以歸我耶。

曳裾纔謝楚江蘭。却寫梅花贈歲寒。馬上不殊新折寄。雪中又少舊年看。影從棘畔牆俱白。挂到宵闌月倍圓。分付東風好將護。他年山館障闌干。

又

江南風物在新春。筆底生花幻水村。似月付將千片影。因風欲動一窗痕。逢人固是難攀折。入帳還應惱夢魂。笑殺朝來無粒米。呼童捲向市邊門。

送某之太倉

吳中曾客幾經年。此去書帷得主賢。潮認舊人頻到岸。燕穿新柳特迎船。蘆芽白白河豚上。梅雨昏昏海國眠。應憶越山籠鶴在。長於月出叫孤圓。

將牧羊庚戌元旦筮之得明夷之上六

入地登天兩不妨。從來作戲在逢場。門前晝靜堪羅雀。城上春深好牧羊。披褐家門孫令尹。入山經紀卜中郎。已知此意無人會。閒坐看雲點太陽。孫叔敖事。見史記。余先子宦歸。家甚貧。故引用其事。

元夕休寧道中遙憶鄉里

陌上雙雙結袂頻。翩如飛燕蹴輕塵。一年樂事花流水。幾夜他鄉月照人。驛路酒家留去馬。溪橋梅色弄新春。相隨惟有孤龍劍。會向囊中笑客貧。

賦得清秋落葉

白帝乘秋秉素蜺。青娥挾露弄風威。榮枯不敢違天意。搖落偏當寄客衣。大漠霜淒隨角散。孤城月白伴砧飛。鏡中不久繁桃李。愁殺秦川織錦機。

清風嶺

赤霞城畔女郎身。會將羅袖障胡塵。半巖竹淚猶啼月。一水菱花解照人。那取蘂砧還破鏡。祇持完璧碎強秦。江天風雨來何急。似覺詩成泣鬼神。

焦山

曝龍死於牛觸。實事也。道人言之。

徵君祠廟碧山隈。僧舍中流面面開。全楚客帆遮浦下。廣陵濤色漫窗來。曝龍何事當牛觸。養鶴翻勞刻石埋。隔取深泥題不得。空持黃絹立磨厓。

林先生遷教瀧水

特將一鐸嶺南行。水郭山郵路幾程。方爲郡人教弟子。又從海國領諸生。石中鸚鵡當泥迸。帳裏桃榔入夏清。莫以遐荒頻作念。古來誰不重端城。

讀易園詩。應一仕人之索。

爲園讀易幾盧都。歸藏連山盡野狐。大過久無仍假我。絕韋猶在儘伊吾。百莖蕃草龜相守。一角梅花鶴自呼。曾與京焦相問難。至今記得石渠無。

馬策之奉母住鳳凰山下之水樓

鳳凰山下遠清流。策也迎親住此洲。正好敲冰求尺鯉。倍宜垂雪飯高樓。月中醉客搖船夜。露下聽蟲助竹秋。何日細鱗隨網得。招予沽酒柳橋頭。

狐裘

裘被除。雪夜苦寒。取信國文公集讀之。賦此。

狐裘除去止三金。大海投魚兩歲沈。鷹馬趁風嫌未急。簷堦負日苦長陰。歌聞未必如金石。肘見真應捉領襟。猶喜雪宵看信國。髮衝冠頂汗淋淋。

歲暮夜雪招二王詩人蠶果小飲

二王二王來何難。榼榼清醕頓欲乾。何處王門無短褐。最難客路是長安。蠻蠻雪慘充瓶立。蔗藕霜消飽膈酸。四海論交頭盡白。至今膽落醴交寒。

青藤書屋文集卷八

五言排律

宣府槐龍篇 有敘

宣鎮開府之西有槐曰槐龍。高不過丈餘。圍亦未匝兩把。而廣圍如蓋。糾枝如龍蛇。重不可勝。支柱以數十。可擬五楹屋之覆。盛夏葉生。蒼赭驚撲。又若龜穹而鵬下。語其奇蹇。非特一世所無。卽鄧林見之。亦當卻避而偃也。然所云丈餘者。榆櫟耳。而頂折處始爲槐。相傳毅皇帝幸此。中人所接以植者。或云文皇予視之。非百年中物。云文皇蓋文皇數幸此。以討不廷。行殿當槐處。意槐植其時。殆然耶。舊爲某參戎宅圃。以其所從來如是也。久之不自安。迨今吳鎮公至。則曰。是地爲聖祖臨御以平定所。不可以私。準其直贖之。遂稍新其構。用以備講武饗士。予過鎮。公與萍逢者數人。憩其下。少焉榼至。爲數酌。起步稍北。得曲甃。似以浮磬而涸不流。問水得古方井。去槐可數十步。汲以漱。冷不可銜。以其甘也。勉吸焉。始悟水木母也。母殊而子以凡理限可乎。以此推之。未百年而成是植。未爲不可信也。

大樹將軍號。喬松大夫封。何如茲茂蔭。宛爾作深籠。目目尖成兔。條條結綰龍。乘涼翠葆颯。撐暑碧油烘。開府何年買。天王舊物鍾。賓觴飛遞外。塞路坐籌中。鵬翼垂天下。龜裙覆海穹。柯南蟻壘國。甃北乳方泓。

的的朱門照霏霏綠霧濛。干雲榆所接。影月桂能通。赭莢承新蛻。青絲斷墜蟲。五楹團廣廈。百柱卓雄風。大漠馴驕子。長城屬令公。一枝陰虜馬。半葉掃邊烽。矢石無忘備。尊壘稍可從。先朝勤灌溉。後代倚幢幃。虬擬皇情悅。黃猶御氣蒙。長陵如可作。願柱大明宮。

水仙

棄粉當粧匣。拋脂落茜坡。黃姑插金雁。織女洗銀河。敢以人間色。來方天上娥。借烟行作雨。不黛掃成蛾。渡海羣騎燕。橫江或跨鵝。盈盈素羅襪。泛泛綠鱗波。剩馥迷湘芷。餘嬌付越荷。兔房秋杵藥。蛟室夜珠梭。道子描難似。非烟繡不過。張顛狂草筆。塗罷一高歌。

萬曆二年翰林院中白燕雙乳輔臣以獻進兩宮並賞殊瑞聞而賦之

以在玉堂故四句云

白燕自何方。雙嬌乳玉堂。若非翻向壁。只道斲從梁。易許青藜映。難教黑扇藏。宮釵今兩隻。巷口幾斜陽。並語栽薇處。交栖視草旁。春情堪與譯。秋翮好填潢。御水沿溝岸。名園隔苑牆。穿花雪片疊。落絮剪刀長。遞拂宵麻素。爭搖曉禁蒼。隨珂迷賈至。遮字冷孫康。未及郊禳候。先歌命鳥章。兩宮看帶笑。萬乘盼生光。或向罍恩度。閑馮女寺量。江南來舞苧。海國墮綃襦。哺蝶欺殘粉。捐蜂糝嫩黃。古詞卑苜蓿。新曲斷滄浪。出入皆清禁。差池半紫房。姬姜紅線繫。姊妹縞巾揚。巷咏偏諧謔。廷裁必雅莊。冰霜俱入句。咀嚼總生涼。飲啄如知介。飛鳴迥不常。瓊瑤報聖主。文彩伴仙郎。自古生賢佐。多因爾兆祥。試看今稷契。還舉舊虞唐。

送史叔考讀書兵坑

連歲府酬久。茲晨伴侶稀。百觥澆鶴卵。一硯匣羅磯。漸到鳴灘岸。微穿聚葉暉。窮經朱簡斷。搗字墨光肥。霜白興難早。茅紅掣兔飛。逐時文股麗。入悟習心非。水遠緘魚斷。山深肺獸啼。客來供鹿蹠。雉下警雞扉。竹筏何曾爛。耽元自不歸。

觀浴象

昨一象忽狂而奔。折廟門之闌。又輟耕餘。持荷筒吸酒。名象鼻飲。

帝京初伏候。出象浴城端。乍暎長壕黑。時涵巨浪漫。有顛皆積垢。無尾不藏瘢。出沒漩渦口。崔嵬梵岸端。巴蛇吞未下。鼉石浸還乾。決盪籠泥落。吹噴細雪殘。鼻卷荷屈水。牙劃藕穿欄。逐隊趨蹄易。呼羣拭背難。秣芻廝養習。湔刷羽林官。並是生殊域。同來飼一闌。不爭儔力大。共荷主恩寬。帶濕驚鈎鐵。攜涼臥葉搏。鼃鼃心不畏。鼠豕額何攢。昨日誰狂走。今朝爾頓安。從茲須自愛。莫更損闌干。

和葛景文

十丈高垣地。團團遶棘柴。青天縣鮒涸。黑洞鎖龍乖。不以無窮變。來茲有盡懷。提壺向前去。付鍤許渠埋。每剖遺魚素。翻思去鳥偕。真成秋落羽。欲插上冲骸。

抱琴美人圖

身去盼猶轉。抱琴何處來。定知清夜裏。去聽長卿回。細細腰宜舞。輕輕步懶催。睡濃粧略淡。性慧相多猜。眉下波含柳。顚心風落梅。對人蓮欲語。袖手藕藏荑。浣水傾吳國。爲雲到楚臺。帶飛修曳綯。珮響細銜瑰。綠帳愁單掩。朱唇似善談。冰絃寫離怨。洞閣遠誼厖。曉戶玲瓏啓。春花次第開。相將折芍藥。掩映過莓苔。

蜀國倡嬌薛河中色妙崔。試將同佇立。正愜兩徘徊。宮髻髮一尺。明珠環兩枚。自然宜淡掃。故不畫烟煤。或薦珊瑚枕。如傾玳瑁杯。息芳將近近。粉膩愈皚皚。按曲迴成雪。微車響軼雷。翟衣眞帝也。荇菜合悠哉。笙篴傳麗玉。琵琶伏善才。何如鼓流水。眞若遡沿洄。別鶴引如弄。求凰調轉哀。有人於座上。奈爾隔屏隈。採藥人聞阮。遊仙者姓裴。不言偶襄漢。定說見天台。巧笑金難買。多香玉借胎。繡穿新樣領。綬結古文壘。皎似珠遊浦。清如露滴槐。採花棚上竹。闢草砌隅臺。約伴攜雙手。懷人在兩腮。鴛鴦何處覓。鸚鵡有時按。增減俱難中。短長元自該。趙妃宅裏妹。宋玉里中魁。宛爾凝如望。嫣然乍可假。臨波卽帝子。食肉亦蓬萊。懊惱思金谷。闌干哭馬嵬。流波與流態。令稿復令灰。絕代誠難得。瑰姿理莫推。如斯洛魚鴈。毋乃夢蛇虺。俠客氣何壯。佳人棄若隕。將來換駿馬。期在得高駢。艷冶非不愛。縱橫良有材。從他形島嶼。不戀志恢恢。湊兩難爲聚。爲屏併作傀。麝香新熟餅。獸鼎舊安能。茲畫何人染。錢塘漆子裁。拂嗽驚臥榻。助腕汲新醅。持過西陵下。因啼蘇小堆。青松惟下鳥。紅頰已成煨。潮長日初仄。春深草漸莓。山家時噉犬。捕雉又張罍。上下鳬鷗沒。擎拳翡翠愁。物華迅流轉。顏色總塵埃。處女元吾守。明時肯自媒。有時求柱桷。不信舍徂徠。忌嫉生宮闈。芻粱飽駑駘。祇聞饑婉戀。不見斥虺虺。戲論摛多韻。談虛遍九垓。性空色不着。養致體逾頽。旣已成圖畫。其何忍剝摧。屏圖裝已匝。花月任爲災。書舍瀟瀟影。奇花一一栽。對卿長比並。顧彼獨澆培。風颯羅帷裏。蟲鳴玉砌陔。此時漢武見。又道李魂迴。

先除夕二日雪甚如嬰兒拳 次日迎春

臘盡接春將。孤眠枕被涼。朝興驚六出。午晏俛千筐。兀坐愁空甕。羣栖塞壞墻。搏酥幾鶴卵。絮柳未鵝黃。堪取爲毬打。行看挂齒僵。明年從大有。連歲卻餘殃。見說開元寺。重新古道場。一髡擔化主。十殿敝閭王。猶記迎春昔。長顏此地觴。解姬捐誕馬。蠻子襖綿羊。樓角嬌波聚。亭椒嫩采粧。百壚忙酒保。四郭擠村娘。獸圈攘牛土。蟲枝試鳥簧。不知今日賞。還有此風光。

畫坐草栗鼠

鼠有能跳者。名因嗜栗傳。兒童袖裏串。松檜頂尖縣。寫躍難爲逸。描蹲易犯妍。臀肥隈草煖。尾大刷瓜圓。叫喚孤雌別。銀鐺舊伴牽。坐思禁一飽。暨產大如拳。

雷

列缺儼睢肝。緋冠絳褲襦。礮礮鮮舌哆。烟焰漲天嘯。侍從排焦額。槐檀塞太虛。光中藏栲栳。麥處借旛旗。雞吐朝官綬。龍逢海豸驅。阿香開鏡數。玉女笑壺輸。好作王戎眼。休曉李勣鬚。滅明難捉摸。搜索愈逃遁。或見焚鱗尾。徒聞遶斗樞。金蛇穿雨劃。赤兔駕雷屠。煨燼乾坤赭。飛騰日月徐。閉門遭斧鑿。馮塔養蜘蛛。鑪斗何工煅。硫砒若帑儲。早乾於閃魘。冬蟄伴泥豬。萬瓦穿如瞰。孤窓熱欲糜。滛威神鹵莽。僥倖鬼挪揄。昨夕狂傾瀉。羣靈儼聚誅。彌霄紅落燕。磬海白跳珠。但劈梧桐去。何曾打卽且。雷火如燕。雷火如燕。更堅志。

芭蕉花

芭蕉種四年。華蕊發茨檐。玉蘭爲媵姊。木筆是曾元。十一齊蓮菖。尋常類馬肝。坼難剗海蚌。瓣厚落河蚶。

香色無非斂。蜂皆有自閒。古粧蠶婦出。立馬使君寒。春久枝俱果。霞長鴈正還。寄書蘇蕙老。挾扇婕妤孱。我昔南過嶺。蠻多種在田。實甜藤俎上。絲冷葛機邊。和荔燒天紫。同椰蓋海炎。別來頻屈指。禿後止餘顛。不道孤亭畔。言抽徑尺團。逡巡無術致。描寫恨才慳。太華尖崩半。平原顚脫刳。鹿遮樵者夢。魚枕美人丹。苦少榴枝泛。珊瑚奉倚欄。

子侯芳園王瓜駢秀傳聞遠邇快觀咏歌附驥非才續貂聊漫

老後圃聊便。栽蔬夾芋田。壞轡牽遠井。破屋傍隣椽。脫帽當茶竈。持鋤掘笋鞭。忽來新莫逆。幸忝舊忘年。卻說渠家圃。如承帝眷倦。瓜雖非五色。蒂卻領雙圓。杵向秋砧挂。旒添曉纈縣。孳胎咽并紐。蝨尾鼻俱穿。自是生成偶。非關造化偏。癭孤羞杜預。面對儼庭堅。未羨三眠柳。那論並萼蓮。嬌黃濃鬢鈿。淺黑撇針綿。花謝知誰後。藤升許孰先。客歡浮白賞。婦喜用紅纏。野鼠分行抱。牆蝸別隊緣。霜時爭畫捲。月令特書傳。楊尹詩幾首。柳州表一聯。合歡光簡策。內履慎周旋。駢拇從來賤。重瞳自昔憐。馮他閒估校。何處定媼妍。

宴游西郊詩 有序

去郭不五里。有名園焉。喬木蔽空。流水遶砌。望之如錦。屏幾折而花蟠。就以攜尊。亭兩區而罩矯。迨若珍果。纍纍貫珠。蔚矣蒼蘿。飄飄結幄。鳴禽調管。半是黃鸝。飛蠅怯冰。全投綠蟻。待羣公而未至。適微興之孤騫。大白屢浮。爰揮紫兔。雌黃無事。聊就黑甜。乃若蒟醬木堯之云。無非實事。朱卿侯家之引。並非虛言。舉其尤者。他可知矣。園樹有白櫻桃。

艾候當龍舫。萍蹤集鳳城。凌晨催邸飯。乘暇出郊行。短短蒲抽玉。交交鳥弄笙。辭檐排擁蔽。並馬得崢嶸。碧岫紅雲幻。磁壺白雪擎。候賓賓未集。顧僕僕頻傾。蒟醬何方至。胡桃撲地橫。騎龍排木凳。剪虎綴冠纓。綵扇臨杯寫。蒲團就几憑。甲蔬香百種。根撥秀千英。菌菰含冰腦。櫻桃滴水晶。胡蜂俱仰蜜。家鴿半棲羹。熟果從枝摘。穠花得葉清。看餘錦綺色。聽斷轆轤聲。買竹金千鎰。溫瓜火一星。鉤彎遲桂魄。流曲擬蘭亭。菱藕堆盤雪。蠅蚊避席冰。江南渾縮地。塞北總怡情。折簡招羣彥。聯牀勝百朋。來希主情懶。別易客心驚。折柳條餘幾。牽衣淚鎮零。舞腰寧自賞。歌曲遲僂聽。日炙嫣紅袖。風狂散綠萍。盆供春色滿。簾展晚涼迎。茉莉簪紗帽。玫瑰裊醕觥。習池淹席幕。金谷較輸贏。可惜朱卿去。偏當赤地晴。錦帆風不進。玉笋月誰賡。孤悶當蘆發。頽軀倚樹撐。長空生咄咄。懷緒付娉婷。得意才俱雋。相如賦擬成。吹噓真俗話。放浪自浮生。毳毳飛明月。山來匝翠屏。歸鴉分樹掠。餓馬望芻鳴。入郭斜榆影。迴鞭指柳營。侯家銀燭朗。客座綵簾明。貝葉書難譯。蓮筒吸判醒。轄沈驚座睡。樓迥景陽旬。朝馬搖鳴佩。升烏影畫樞。百川如變海。重此醉長鯨。

張氏子黃鸝鵲

見說黃鸝鵲。西來自氏羌。色今分間正。天與改文章。竟奪春鸝羽。全爲漢鵲翔。能言猩敢並。借染蜜初房。稍挂楊絲亂。聊摠菊瓣張。金釵翹衛女。紅豆惹蕭娘。惱燕依人紫。愁鷹掠兔蒼。香拳閒鍬爪。妙影閃銅梁。江夏埋詞客。秦山問上皇。赭袍雙映淺。芳草一洲長。夢兆呈妃子。琵琶喚海倡。性情胎戊己。音韻合宮商。百鳥窺應噪。孤凰見必傷。未能求一友。差可哭三良。老病渾如昨。新聞喜未嘗。借看如可許。香稻當茶湯。

後聞鸚鵡眼系直度兩眶。人可洞視。

雙瞳穿腦過。對面兩菱花。琥珀鑽松竅。琉璃釘扇紗。隔顛孤碧炯。橫準一梁加。飲啄千峯物。雌雄萬樹家。回頭忽不見。交睫夢成賒。摩盪晶初日。玲瓏射落霞。照拳明蕨腦。夾喙影姜芽。戀月眶寒暈。啼烟淚澁沙。端州鸚鵡研。疊郡石榴砂。睥睨雄生怒。迷離媚作邪。傾城秋水顧。阿堵虎頭誇。認客休青白。韜光混瑾瑕。如憐蔡家女。分鏡瑟琵琶。

題宋刻絲蓼花立鳥圖

江上深秋景。偏於蘋蓼妍。娟娟啼葉鳥。淡淡入村煙。生色渾疑畫。微絲卻是牽。精時愁呂紀。妙處失黃筌。久挂方知定。初驚只欲翩。天孫無限巧。乞與世人傳。

丁卯六月十六日五鼓。夢一憲公更訊予獄。予頗懇乞。且歷數古人事。憲公乃取片紙。手畫一白犬。從雪中獵作題。且曰。汝賦得十韻卽止。予賦得十二句。而憲公逡巡起。予亦覺半忘矣。今續成之。

夢中所記者。秦雪。覺無據。應呼二句亦強。眞夢中語也。

太白高秦雪。材官選漢都。西獎非遠物。冬狩是雄圖。冰溜蹄兼滑。花銷毳結酥。逐方餘狡兔。烹豈遽韓盧。羽搏紛迷素。毛燭糝共疎。一聲非口吠。萬壑徧鷹呼。馳影爭飛霰。蹲身卽守株。窮搜寒愈急。凍尾煖微濡。固取矜獯獨。還宜解網罟。莫教將耿雉。文錦碎模糊。

青藤書屋文集卷九

七言排律

上督府公生日詩 并序

嘉靖己未秋九月廿有六日。恭逢督府明公之生辰。於是文武吏士及鄉大夫士。若耆舊賓客。以公自鎮撫以來。功在東南者實大且遠。乃相與各抱其所有。以爲公長久祝。而公於今年春夏之交。受諸道告捷之後。奏凱天闕。戢兵海隅。民物熙和。句宇清廓。惟茲嘉誕。適屆其時。萸菊交芳。天日俱朗。旌旗應爽氣而彌肅。鐃吹協商飈而並遠。慶者雲集。萬衆一辭。比之往昔。益爲隆盛。某小子叨沐寵榮。間嘗一佩筆操鉛。以奉侍幕下。雖愚賤少文。不敢自附於衆人之後。至於仰清光。祝久遠。其心固無異於衆人也。謹撰長篇一首。凡百句。奉伏門下。以充獻壽之禮。自知拙陋。無所發抒。然慕戀恩私。忻喜盛事。自不能已於言耳。

遠曙輕籠海色蒼。涼颼新薦菊英黃。清秋此日逢華誕。繡褱當年遠異香。地與人文增氣象。天爲王國產禎祥。壯猷未老如方叔。祕略曾傳似子房。初捧兵符分虎竹。再銜使命馭龍驤。森羅島嶼諸夷會。鎗鎗門庭一面當。刁斗不傳人自樂。牙旗欲動勢偏揚。雄豪定遠遙辭漢。寬大汾陽近在唐。管領華夷新士馬。掃平吳越舊封疆。曾先突騎重圍裏。親式鳴蛙大道旁。已遣嚴兵營細柳。更教長劒倚扶桑。三承寵錫恩何

渥。一受深知德愈光。定有姓名題御辰。每勤賞賜到遐荒。千齡素質雙麋鹿。五色奇毛兩鳳凰。國有昌符臣協吉。家承嚴訓子徵良。田單下狄親鳴鼓。姬旦居東久缺斨。屢觸猷炎辭羽蓋。轉巡郊野憩甘棠。軍中作氣頻投石。陣裏籌機捷探囊。敵日轅門標大纛。浮天水寨集餘皇。雕弓並月名繁弱。寶劍衝星出豫章。幾處名香迎馬首。數羣長鬣夾車箱。量兼滄海涵諸島。身作長城障一方。萬里星辰羅北極。百番貢道出東洋。曹彬賜劍權偏重。庾亮登樓興合狂。引至偏裨堅誓約。邀還賓佐據胡牀。鯨鯢久已封京觀。翡翠行看出越裳。詎止芳名流簡冊。還將偉績著旂常。功成淮蔡應趨闕。路涉燕齊好待糧。將相位兼勞出入。君臣道合致平康。山城令節茱萸發。高宴華軒錦綺張。日照花明諸樂作。風吹帳啓衆賓藏。鶴鳴流響聞天漢。芝燦浮光到羽觴。競取良辰占上壽。復欣嘉會嗣重陽。樹聯月桂輝光萼。斗近天河挹酒漿。黑齒呈歌須譯問。文身獻舞傲專場。地連玄嶠仙常集。候傍黃鐘日漸長。共以精誠抒華祝。況兼佳麗屬錢塘。鰕生本住山陰里。浪跡疑乘海畔航。城下釣魚懷漂母。堂前結客憶周郎。未逢黃石書誰授。不墜青雲志自強。抱玉已憐非楚璞。吹竽那識動齊王。幸因文字蒙徵檄。時佩管毫侍瑣廊。綦履東西魚共麗。戎衣左右鴈俱翔。縣知陳阮時游魏。豈乏鄒枚並寓梁。博採燕昭期致駿。曲存宣父愛非羊。衆人國士階元別。知己蒙恩心所量。自分才難堪記室。人疑待已過中行。構成燕雀猶知賀。報取瓊瑤未可償。偶值高門挂弧矢。且賡小雅賦桑楊。卻慚未協宮商調。莫並當筵巧奏簧。

奉侍少保公宴集龍游之翠光巖

命與沈嘉則同賦。時有闕之役。

樓船幾日下錢塘。勝地臨江綺席張。虎帳山開羅作帶。龍潭水積劍爲光。芳羞自出船窓底。妙響偏宜舞扇傍。日映桅檣兼樹密。風吹絲竹裊雲長。漁郎賈客停何事。桂楫蘭橈渡不妨。暫脫錦袍懸翠壁。忽抽彤管拂青絃。閒中國計籌能悉。醉後兵符發更詳。寶馬嘶羣行雜錦。紅旗懸的射穿楊。霜前下葉沙俱積。雨後殘碑蘚更香。野曠牙官分作隊。林疎甲士補成行。松杉借翠連幢碧。橘柚分金映甲黃。羽扇周郎臨赤壁。輕裘叔子在襄陽。庾樓無月人猶往。郢幕開風客不藏。遠眺非關耽麗景。雄心先已到遐荒。建溪露布風雷急。淝水兵威草木揚。卻與從行諸幕士。維舟九曲泛清觴。

數年來南雪甚於北。癸未復爾人戲謂南北之氣互相換。似賈人帶之往來。理或然歟。邊塞不易雨。而今每潦十九韻。

陰陽北去隨南客。雨雪南來自北天。雨爛胡弓知幾歲。雪高越瓦已三年。偶然盡海迷遼鶴。不是登橋聽杜鵑。吠犬從今無一處。喘牛必問有諸賢。明明日向彤霄暗。杳杳璣籠紫霧懸。羲氏輪膏埋壁屑。滕公河水瀉銀錢。鈺鋒插戟包難見。深穿穿泉粉愈填。萬里蕭條昏井邑。千家凌奪失園田。疑花宿誤羣歸羽。折竹真摧幾個圓。鼻醋醺寒先慣吸。羹鹽調劑未堪煎。傾危作免當山頂。搏控成獅向日邊。借皎肥身灰象飽。吹柔害物素貓拳。綿針絮刺俱叢棘。玉瓣銀筒假淤蓮。陽德盡闕閭閻上。陰威直到祝融顛。華亭羽翼漫天久。上蔡鷹盧獵野偏。伍員江長潮正怒。三閭沙白骨新捐。稀如尸蠱穿雲去。細似繩蠅點壁旋。急舞魚鱗明扈跋。繁遮蝗陣暗霄鴛。袁安臥苦僵猶得。解縉尸埋醉可憐。萬事豈俱埋得盡。有時終露濁體冤。

次夕降搏雪徑滿鵝鴨卵余睡而復起燒竹照之八十韻

把炬循除立斷藜。鴉驚彈雪宿叩低。終宵有許垂鵝伏。片刻應能沒馬蹄。一一劈分舒闊掌。團團捲擲碎。霜梨紅場盡。海毬爭打白鷺橫。江荻未栖。崩屋塌簷支正急。窺窓入竇倚相睽。後飛輕薄高難下。先引威稜道且齊。隔歲窖藏猶霰霰。羣兒想象入狻猊。瓣觚出六摧桃李。瑞舛過三黨稗稊。博浪金椎狙擊遍。彌天白纛殺機提。鸞髯鵠赭吹毛盡。竹哭梅啼到骨披。穿重解深三窟免。侵多不剩一丸泥。暗隨鵬翼長沙拍。亮誤雞司短曙啼。灰燼挑殘寒夜火。袍誰脫與故人綈。流蘇旣縞堪鈎挂。粉的渾綿向鏡低。風絮謝娘難可擬。烟蘆駐客幾成迷。公孫被撲涼如鏡。子母蛺緝瀉若澌。獸徑易漫塵散跡。獵弓難放麝香臍。巖俱周處南山額。蠶盡蘇卿北海羝。鮫室百窻簾蛤蚌。羌胡一國水玻瓈。饑脾苦逼長安殍。酸鼻寒淒宰相醢。葉尹如捐棺可玉。麻姑未老海堪梯。洪厓走汞流松外。穆滿量珠賞竹西。綠鬢取裁髻髻樣。金釵都換奈花鏡。儒蠹瓦甕鹽艱糝。俠噉屠門蒜太饕。蝙蝠假仙搖石乳。蚺蛇馮膽攪銀堤。將紉作蓋俱成羽。取綴爲裘盡是麕。鷹隼攫身功奪狗。牛羊埋角罪歸騏。軒轅鏡色飛橋頂。歐冶鐔霜掣劒谿。蕩樣乾坤成玉合。紛紜翳膜刮金篦。楊妃暗粉元宮發。卓氏綦巾皓首齊。此際胡雲黃滿塞。當年梁簡亦曾題。霽微未必清鐘磬。灑急如堪付鼓鼙。紅袖共斟將共若。錦囊須佩卻須奚。寒郊瘦鳥吟成墊。煖肉肥肌屏作閨。漸離荆卿僵易水。趙王代娣冷摩笄。瑤枝上漢參雲霧。銀鬣行天睹駃騠。併是凌寒貞歲柏。不同趨熱媚權桂。親淹上國裘曾敝。眼見金吾騎總緹。盡領熊羆供掃拂。別從雉兔較罟罍。高培糞梗團成菌。柔做山毛嫩作萸。

肖慘睢盱夔罔兩。塑嬌咽項女。蛸蟾粧塗恨。少施肌髮。刻畫爭先解。佩鱗何事井。噴煩蜥蜴。祇馮陰焰。魘虹霓。瓠犀璀璨排。螭齒榴子齟齬墮。老覷解視紫駟。鮮豹憤俄穿翠。爆化貂桂宮。奩鏡媛因椒瑾。塞壁刀斜謝鵬鵠。木稼怕官謠雜識。草乾愁牧馬頻嘶。媧皇煉石霄猶漏。帝女燒鉛杼懶擠。凍齒尖持燕七首。明窓塵射魏刀圭。睥睨釘斷千闔帶。沙礫剪刈令尹珪。連日大酺聚儘掬。傾筐堆帛取如攜。騎都爛漫糜羊胄。庖坦縱橫解犢臄。燕領不醒頰錦帳。蛾眉邀醉疊金碑。卽堪楚曲流宮徵。必喚齊僉許滑稽。蕩甲搖犀明練組。長鵬大鏃拭弧錐。孤烟罷突眞三日。破釜縣臍僅一羈。水木騎羊來代遞。滕封弄雨各訶詆。心憂掘閤衣麻矣。狂走芄蘭帶悸兮。雲爾黃腸洩最風。俄然白骨葬鯨鯢。爲燈跋燭須臾滅。沃錠消瑋頃刻齋。公向蒼儀騰皓潔。竟忘赤地混緇鰲。隨飈過越迎關吠。度葉爲花帶鳥棲。蜂蛺誤猜堪蜜蠟。清明纔斷正錫餽。西池萬里吹黃竹。東郭雙堂趺赤鞵。想見穹酋鳴立園。親看牀足縮趺蠟。恰妨青帝迎春仗。無救朱炎病夏畦。壓取剛條俱偃偃。試尋勁草但萋萋。幾時千仞消凌蟬。何處雙桑赫海靦。形虎似鹽虛晉俎。調梅無味枉商鑄。蝗蝻未必沈三尺。甲拆先應了一卦。莊語夏冰蟲定恠。趙襄冬日襖爭後。風偏助勢長成練。月總輸光不到犀。履薄有人愁墜谷。乘危無盡上埋奎。豈無黃道辜葵菴。翻以丹心許蒺藜。火急寄言青女道。添霜啼殺伯勞兒。

連雪後迎春憶舊十二韻

土牛一夕添神采。雨霰連朝妬客鞋。邀隊本期相跳躑。踏遊不暢只擠排。冰牢北斗璿璣溢。凍滑東郊仗

引乖老病似蟲吟。華寶少年如夢憶蓮溱。飛香塞巷堪經宿。立帽平簷別漫街。奪綵連毬追寶馬。爭梅帶雪上金釵。花房醉客槌朱鷺。水店壚姬饌紫鮭。小市溫淘槐盡葉。貴筵餅餌韭初薺。蕭條邑里難如昨。想象風光未必皆。是處從今趺盡草。中央偏我立如柴。一隅掩鼻真成笑。七字瞞心戲作俳。青帝秭今何處去。勾芒一似不曾來。

青藤書屋文集卷十

五言絕句

題畫 墨竹杏花

嫩篠捎空碧，高枝梗太清。
總看奔逸勢，猶帶早雷驚。

又

當其尋丈節，數寸蛇與蟬。
化工無筆墨，个字寫青天。

又

朵朵西施靨，年年牆外窺。
莫嫌粧不澹，帶酒未醒時。

又

枝枝出牆語，朵朵向人窺。
宋玉鄰家女，施朱太赤時。

扇中雙蝶

春至百花繁，名園蛺蝶翻。
美人將扇撲，搗得一雙痕。

蜂

雙股粉黃籠，飛遲趁晚風。
君王方課蜜，不敢戀花叢。

白牡丹桃花

桃艷比天姬。花王富貴姿。楚襄春日下。閒坐選蛾眉。

剪春羅垂絲海棠

美人睡不足。春愁奈若何。垂絲綠窓下。聊爲繡春羅。

石榴荷花

畫得荷花朵。傍依海石榴。西施夜浴罷。催火照梳頭。

兩蝗蟲

深雪打茆茨。飛蝗慘不孳。無由苗上見。畫取兩雄雌。

叉蘿蔔

圃內一鋤淺。毫端兩詫深。廣州初斷葛。上黨未蒸參。

回回馬

西馬入瓜沙。風塵道路賒。試言如此匹。消得幾筐茶。

毛魚作隊遊菱塘

作隊撼春萍。雙頭寸未盈。老漁暫相借。江海幾長鯨。

畫

朱夏鬱蒸時。晶瓜碧玉滋。疎簾三尺雪。小簾一桺棊。
詠畫

春

春嬌最何物。桃花與楊柳。惹儂或有詩。市遠那得酒。

夏

城市或翬炎。在野心不熱。意欲施茶湯。行人他處渴。

秋

何處住高人。低茅水上貼。江闊杳難尋。過客指紅葉。

冬

梅花一萬梢。紅寺五十里。天晚不到門。雪深沒驢耳。

江船一老看雁羣初起

警鴈避羅舫。江長起未高。眼排一餉後。看到入雲梢。

似赤壁遊

一艇泛三人。多疑遊赤壁。無處少江山。但無此好客。

石榴

閨染趨花色。衫裙尙正紅。近嬌瓜子茜。賤殺石榴濃。

竹染綠色

我亦狂塗竹。翻飛水墨梢。不能將石綠。細寫鸚哥毛。

對岸觀崖大瀑

瀑布挂江北。望者江南猜。雪花那不到。霹靂過江來。

獨釣寒江

大海有鯨魚。五岳其鼻額。任公釣不來。煩爾一絲雪。

閱書者倚老樹

爾自作蠹魚。我不閱一字。逢着好樹根。抱着枕頭睡。

雪景

此際山陰道。啼惟有莫鴉。萬山無寸碧。何處認梅花。

魚蟹

夜窓賓主話。秋浦蟹魚肥。配飲無錢買。思將畫換歸。

杏燕子

玉京紅線斷。樊素絳唇嬌。好着鞦韆架。其如不解描。

寫竹答許口北年禮

羹鯉稻梁餐。沈思欲答難。只裁殘拜帖。寫竹當春盤。

寫蘭與仙華子

仙華學杜詩。其詞拙而古。如我寫蘭竹。無媚有清苦。

尖頭麻蟄

身輕宜歇草。頭銳欲鑽螺。正苦毛錐乏。如儂太軟何。

蒲桃

聞道羌葡萄。家家用醅酒。老夫畫筆渴。此時堪一斗。

張氏別業

樂志堂

備言志所樂。何關堂與基。主人向我道。但看鳥悅枝。

流霞閣

閣中餐霞人。絕無烟火色。誰宰武陵雞。來作漁郎食。

竹塢

題詩竹塢中。竹長時出垣。誰能將鐵筆。一畫牡丹園。

青蓮島

小島含巨浸。能滋花葉開。青蓮大如許。跏坐幾如來。

小若耶

別沼分湖水。因名小若耶。水流有大小。卻一樣荷花。

芙渠逕

大堤遶芙渠。平鋪三百步。誰云水中花。不覓陸行路。

浣花橋

鏡水及苧蘿。相望不盈尺。郎家浣花橋。妾家浣紗石。

水墨軒

萬頃茫茫處。開軒塌絳州。水光自濕研。不用汲池流。

桃葉渡

書中見桃葉。相憶如不死。今過桃葉渡。但見一條水。

又

憶渡桃葉時。綠楊嬌粉面。丈水五石泥。好影照不見。

六言絕句

村家飲

新竹已成蛇尾。秋雲乍起龍鱗。不雨空啼布穀。乘風且脫紗巾。

漁家圖

小練乳兒紅袜。斜陽曝網黃蘆。但得同心夜浦。不願嫁與秋胡。

列子御風圖

旬餘身在遙空。一葉枝辭芳樹。若教風歇青蘋。試問人歸何處。

